

乙

巳

占

三





占 巳 乙
(三)

撰風淳李

王雲五主編

叢書集成初編

探春歷記及其他一種

三冊

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

章

一四一三上

(本書校對者蔡仲宣)

陸

乙巳占卷第九

易曰。天垂象。見吉凶。聖人則之。又云。觀乎天文。以察時變。觀乎人文。以化成天下。故伏羲畫卦。以定逆順之徵。軒轅設圖。實著陰陽之道。蓋大聖所以通天地之至理。極造化之能事。體妙綴於神機。作範擬於繫象。唯神也。故冥蹟可尋。唯機也。故幽玄可驗。至若仰觀俯察。輔國利民。觀毫考微。全身保命。探禍福之源。徵成敗之數。賢達所尚。由來久矣。淳風不揆庸昧。少而研習。雖著作十餘。而每多繁雜。輒以負薪餘日。綴集衆書。考論羣氏。錯綜黃咸。博聞甘石。及以三都鬼谷。王霸高宗。略其旨要。撮錄祕驗。吉凶勝負。以類相從。勒爲一部。聊備遺忘。并指圖略。例示二三。好道畏命。時或覽焉。審能精之。萬不遺一也。

帝王氣象占第五十三

將軍氣象占第五十四

軍勝氣象占第五十五

軍敗氣象占第五十六

城勝氣象占第五十七

屠誠氣象占第五十八

伏兵氣象占第五十九

暴兵氣象占第六十

戰陣氣象占第六十一

圖謀氣象占第六十二

吉凶氣象占第六十三

九土異氣象占第六十四

雲氣入列宿占第六十五

雲氣入中外官占第六十六

雲氣入外官占第六十七

帝王氣象占第五十三

凡天子氣內赤外黃。正四方所發之處。當有王者。若天子欲有遊往處。其地亦先發此氣。遠近數里。如法計之。吉凶以日辰相尅相生決期。亦如支干數法。天子氣如城門。隱隱在氣霧中。恆帶殺氣森森然。天子氣如華蓋。在氣霧中。或有五色。又多在晨昏見。天子氣如千石倉。在氣霧中。凡王者氣發。常以王相日。多與時及日辰相生。其法並在略例中。天子氣五色如山鎮。天子氣如高樓在霧中。洛書云。蒼帝起。青雲扶日。赤帝起。赤雲扶日。黃帝起。黃雲扶日。白帝起。白雲扶日。黑帝起。黑雲扶日。又云。氣象青衣人垂手。在日西。天子之氣。敵上氣如龍馬雜色鬱鬱衝天者。此皆帝王之氣。不可擊。若在吾軍。戰必

大勝。范增云：漢祖氣皆爲龍虎或五彩。此天子之氣也。又云：吾使人望沛公，其氣衝天，五色相摻，或似人，此非人臣之氣也。又云：氣如龜鳳大人，有五彩其形，隨王時發者，皆天子之氣，多上達於天。

將軍氣象占第五十四

將軍之氣如龍，兩軍相當，若發其上，則其將猛銳如虎，在殺氣中。猛將欲行動，先發此氣，若無行動，亦有暴兵起，吉凶以日辰決之。猛將氣如火煙狀，猛將氣白，赤氣繞之，猛將氣如山林竹木，猛將氣紫黑如門樓，或上黑下赤，似黑旗，猛將氣如張弩，猛將氣如塵埃，頭銳而卑，本大而高，兩軍相當，敵軍上氣如困倉，正白，見日益明者，猛將氣不可擊，敵上氣黃白而轉澤者，將有盛德，不可擊，氣青白而高，將勇大戰，前白後青而高，將弱，士勇，前大後小，將怯不明，敵上氣黑，中赤氣在前者，將精悍，不可當，敵上氣青而疎散者，將怯弱，軍上氣發漸漸如雲，變作山形者，將有深謀，不可擊，若在吾軍，速戰大勝，敵上氣如交蛇向人，此猛將氣，不可當，若在吾軍，戰必大勝，凡赤氣上與天連，軍中有名將，一云賢將。

軍勝氣象占第五十五

凡氣上與天連，此軍士衆強盛，不可擊，若在吾軍，可戰必勝，軍上氣如火光，將軍勇，士卒猛，不可擊，在吾軍，速戰大勝，軍上氣如山堤，山上若林木，將士驍勇，不可與戰，若在吾軍，戰必大勝，軍上氣如埃塵粉沸，其色黃白，如旌旗無風而颺，揮勢指敵，我軍欲勝，可急擊之，有雲如三足帛，廣前後大，大軍行

氣也。兩軍相當。敵上白氣粉沸如樓。緣以赤氣者。兵銳不可擊。在吾軍。戰必大勝。營上氣黃白色厚潤重者。勿與戰。兩軍相當。有氣如人持斧外向。敵戰必大勝。兩軍相當。上有氣如蛇舉首向敵者。戰勝。敵上氣如正帛者。此權軍之氣。不可攻。若在吾軍上。戰必大勝。敵上有雲如牽牛。不可擊。遙望軍上雲如鬪雞。赤白相隨在軍中。得天助。不可擊也。敵上發黃氣。將士精勇。不可擊。若在吾軍。可用戰。軍營上有赤黃氣。上達於天。亦不可攻。凡軍營上有五色氣。上與天連。此天應之軍。不可擊。其氣上小下大。其軍士日增。益士卒。其軍上氣似堤。以覆其軍上。前後白。此勝。若覆吾軍者。急往擊之。大勝。夫氣銳。色黃白。團而澤者。敵將勇猛。且士卒能強戰。不可擊。雲如日月。而赤氣繞之。似日月暈狀。有光者。所見之地大勝。不可攻。敵上有氣或雲。及在中天而及軍上。有常此氣不變者。堅固難攻。凡雲氣似虎居上者勝。軍上氣如塵埃。前後高者。將士精銳。不可擊。敵上氣如乳虎者。難攻。軍上常有氣者。其兵難攻。軍上雲如華蓋。勿往與戰。有雲狀如鳥飛去。所見國戰勝。雲如旌旗如鋒向人者。勿與戰。兩軍相當。敵上有氣如飛鳥。徘徊在其上。或來而高者。兵精銳。不可擊。夜黑氣出。上有赤氣臨我軍上。敵強我弱。弱能破強。小能擊大。大戰大勝。小戰小勝。軍上雲如牛馬頭低尾仰者。勿與戰。軍上雲如杵形。勿戰。望四方有赤氣如鳥。在鳥氣中如黑人在赤氣中如赤杵。在鳥氣中或如人十五五。及狀如旌旗在鳥氣中。有赤氣在前者。敵人精悍。不可當。敵上有雲如山。兵可託。有雲長如引素。前後銳。或一或四。黑色有陰謀。青色兵。赤色有反。黃色急去。日暈有雲氣入暈中者。隨所入擊之勝。有暈有抱。

所臨者勝。日暈相交。居上者勝。虹直指順之而擊可勝。暈有抱有虹順抱者勝。日旁半暈兩頭尖。有戰者。隨所指擊之。

軍敗氣象占第五十六

有氣上黃下白。名曰善氣。所臨之軍。欲求和退。向北。其衆死散。向東。則不可信。衆能爲害。向南將死。敵上氣。因廢枯散。如馬肝色。或如死灰色。或類偃蓋。或類偃魚。皆爲將敗。敵上氣乍見。乍聚乍散。如霧始起。此敗氣。可擊。上天下小。士卒日減。凡軍營上。十日無氣發。此軍必敗。而有赤白氣乍出。卽滅。外聲欲戰。其實或退散。黑氣如壞山墮。軍上者。名曰營頭之氣。其軍必敗。軍上氣如火光夜照人。軍士散亂。軍上氣出而半絕者。欲敗。漸盡者。走。一絕一敗。再絕再敗。三絕三敗。在東發白氣者。災深。軍上氣如羊形。或如猪形。此是瓦解之氣。軍必敗。敵上有氣如雙蛇。疾往攻之。大勝。軍上有氣。中似雙蛇守日。急往擊之。勿疑。必大勝。軍上氣如粉如塵。勃勃如煙。軍欲敗。軍上氣五色雜亂。東西南北不定者。其軍欲敗。軍上氣如羣猪在氣中。此衰氣。擊之大勝。軍上有赤氣。炎降於天。士衆亂。將死。赤氣如火光從天來。流入軍。軍亂將死。彼軍上有蒼蒼氣。須臾散。擊之必勝。在我軍上。須自堅守。軍上有黑氣如牛形。或如馬形。從氣霧中下。漸漸入軍。名曰天狗下食血。則軍散敗。敵上氣如羣鳥亂飛。衰氣也。伐之。則我軍勝。望彼軍上氣如懸衣。如人相隨。擊之可得。望彼軍上氣紛紛如轉蓬者。急擊之。望彼軍上氣色如揚灰。敵欲退去。氣蒼黑亂者。士卒饑。兩軍相去十里外。望彼軍上氣高。而前後白青。

散者。此敗軍之氣。擊之可得。雲如覆船車蓋者。其軍必敗。雲氣如人頭臨軍營中。戰不勝。流血積溝渠。敵上雲如羣羊。如驚鹿。必退走。急擊之。雲如捲席。如正帛亂攘者。皆爲敗。可攻而擒之。雲氣蓋道。蔽蒙晝冥者。飯不暇釋。炊不及熟。急去也。有雲如雞兔臨營者。軍敗走。軍上氣黑而卑如樓狀。軍移必敗。敵上氣如臥人無手足。或似車徊亂不起者。敗。如擊牛。凶敗氣。敵上氣如雙蛇。如飛鳥。如決堤垣。如壞屋。如人相指。如人無頭。如驚鹿相隨逐。如人兩相向。皆爲將敗之氣。凡降人氣。如人皆叉手低頭。又云。如人叉手相向。白氣如羣趨入長營。連繫結百餘里不絕。而徘徊須臾。氣如黑山。以黃雲爲緣者。欲降服之象也。敵上氣青而漸黑者。將欲死。雲氣如人頭者。是將軍失兵衆。散軍之氣。如燔生草之煙。前雖銳。後必退。得歲月便。擊之必勝。黑氣臨營。或聚或散。如鳥將宿。敵人畏我。心意不定。終必逃背。逼之大勝。若在我軍。善須安撫。日暈有氣如死蛇屬暈者。將軍死。兩軍相當。不利先舉。日傍有赤雲如懸鐘。其下有死將。日暈四方均等。爲力停。有缺薄微細。所臨者敗。日月暈有背氣。所臨者敗。軍上有白虹。及蜺屈者。敗。軍上有白虹。及蜺入營者。敗。日暈氣後至先去者。敗。凡日月暈與氣以先有者爲發。以先去者爲敗。軍上有日旁虹蜺。及犯逆之戰者。敗。日暈有四缺。在外軍盡散敗。

城勝氣象占第五十七

白氣從城中南北出者。兵不可攻城。不可屠城。中有黑雲如星。名曰軍精。急解圍去者。有突兵出。客敗。城上白氣如旌旗者。勝。若赤界。其兵精銳不可當。赤雲臨城。有大喜慶。黃雲臨城。有大喜慶。青雲

從軍城中南北出者城不可攻。青色如牛頭觸人者城不可攻。城中有氣出東其光黃此天守城不可伐。伐者死。白氣從中出青氣從北入及返迴還者軍不得入城。諸攻城圍邑過旬不雷不雨者爲城有輔疾去之勿攻。城壘氣出於外如火煙者主人欲出戰其氣無極者不可攻。城上氣如雙蛇者難攻。若前高後卑者攻之可拔。後高前卑者不可攻。赤氣如杵形從城中出向外者內兵突出主人勝。城上有雲分爲兩彗狀攻不可得其城上氣不見於外者不可攻。有赤氣從城上出者兵內勝宜備之。凡攻城有諸氣從城出入吾軍上者敵家氣也。濛氣繞城不入者外兵不得入。日暈有白虹貫日其城可攻拔。日暈有青氣從中起四出者圍中勝。

屠城氣象占第五十八

赤氣在城上黃氣四面繞之城中大將死城降。城上赤氣如飛鳥城可攻急擊之則破走。城上有赤氣如破車城可攻。城上無雲氣士卒必敗散。城營中有赤氣狀如狸皮斑及正赤者並破亡將敗。城上氣如死灰色及上下出者城可攻。一云攻城圍邑其氣如灰氣出而覆其一軍上者多病城可屠。氣出復入者人欲逃背攻城圍邑城上氣聚如樓見外者攻之可得。望城中氣起而正上亦可屠。城營上有雲如衆人頭赤色下多流血死喪。攻城圍邑其上氣色如灰一云灰城可屠。氣出南北城可尅其氣出復入城中人欲逃背其氣出而東城可攻其氣出而西城可降其氣出而復其軍上者士多病其氣出而高無所止用日久長。有氣從城外者兵欲盜攻。攻城黑雲臨城者積土固險之象黑水之氣城

池之稱。我據城。敵不能爲我攻。故不可攻。又曰。審應而無攻。知難而自止。因可用智不敗。有白氣如蛇。來止敵城上者。急攻之。小緩則失。從其城來指我營者。宜急固守。凡攻城。有白氣繞城而入城者。隨所入。急攻之。小緩則失。從其城來指我營者。宜急固守。攻城若不雨。濛霧日死。風至。兵勝。日色無光。爲日死。雲氣如雄雉臨陣。其下必有降者。濛雲圍城而入城者。外勝得入。有雲如立人五枚。或如三牛。邊城圍。城上有蛟頭白。內降。城可攻。若有屈虹從外入城中。三日內。城可屠。日重暈而有白虹貫日。圍城客勝。

伏兵氣象占第五十九

軍上有黑氣。渾渾圓長。赤氣在其中。其下必有伏兵。不可擊。軍當欲戰。或長相守者。望彼軍上白氣粉沸。起如樓狀。其下必有藏兵萬人。不可輕擊。軍行近山林坑谷之間。當善防之。既是伏兵之地。而上有氣者不疑。雲紛紛綿綿相絞。及似蒿草數尺。車騎爲伏兵。雲如布席之狀。及似蒿草尺許。此以步卒爲伏兵。伏兵之氣。如幢節狀。在烏雲中。或如赤杵在烏雲中。或如烏人在赤雲中。黑氣出營南。賊逃。吾復有伏兵。謹候察之。有覆之無遺。兩軍相當。赤氣者伏兵之氣。若前有赤氣。前有伏兵。後有赤氣。後有伏兵。左右亦如之。察審則知伏兵所在。軍上有氣烏色。中有赤氣。必有伏兵。不可攻。前有烏氣。後有白氣。必有伏兵。不可攻。有雲如山。兵在外。有伏兵。

暴兵氣象占第六十

白氣如瓜蔓連結。部隊相逐。須臾罷而復出。至八九而來不斷。急賊卒至。宜防固之。白氣如仙人衣。千萬連結。部隊相逐。罷而復興。如是者。當有千里兵來。所起備之。黑氣敵上來。之我軍上欲襲我。敵人吉。宜備不宜戰。敵迴從而擊之。必得小勝。天色蒼茫而有此氣。依日支干數。內無風雨。則所發之方。必有暴兵。日尅時則凶。時尅日自消散。此氣所發之方。當有使人告急。一人來則氣一條。二人來則氣二條。三人來則氣三條。若散滿一方。則有衆來。期至依支干數。數內有風雨則伏。壬子日。候四望無雲。獨見赤雲如旌旗。其下有兵起。若遍四方者。天下盡有兵。若四望無雲。獨見黑雲極天。天下兵大起。雲半天。兵半起。名天溝。三日內有雨災解。敵欲來者。其氣上有雲。下亦有雲。其下敵必至。雲氣如旌旗。賊兵暴起。暴兵起如虎。雲氣行人。必有暴兵。色白而悴者。是暴兵起。氣如人持刀盾。有雲如坐人。赤色所臨。城邑有卒兵至。驚怖須臾去。赤氣如人持節。兵未息。雲如赤虹。有暴兵。白虹出長盡。有暴兵流血。有雲如人行止不崩。有暴兵。赤雲如火者。所向兵至。天有兵氣狀如正布。經丑未者。天下多兵。赤者尤甚。有雲如胡人列陣。天下兵起。天有白氣廣六丈。東西氣竟天者。兵起。青者有大喪。白氣如帶道竟天。有暴兵。有雲如正布竟天。天下兵起。有雲如正布持捧。兵起民流。有雲如豹四五枚相聚。國兵起。四方清霽。獨有赤雲赫然者。所見之地有兵起。

戰陣氣象占第六十一

氣青白。白高。將勇大戰。氣如人無頭。如死人臥。敵上氣如丹蛇。赤氣隨之。必大戰敗將。四望無雲。獨

見赤氣如狗入營。其下有流血。四望無雲。獨見赤雲如立蛇。其下有流血出戰。四望無雲。獨見赤雲如覆船者。其下有戰。初出軍日。天氣昏漠。雲氣陰沉。寒尅者必戰。若清陽溫和。風塵不動者。不見敵。亦不戰。有青氣見軍之王相上者。當戍交戰。不見者不戰。若白虹若赤屈虹。見城上。其下必大戰流血。赤氣屈旋停住者。其下有兵血流。白氣如車入北斗中轉移者。下有流血。大將死。雲如耕壠者。兵必大戰驚。日傍氣或相交貫穿。或相背。主中不和。日有白氣若虹交見者。從上擊下勝。無軍而見者。下必流血。兩軍相當。必交戰。有白虹列四五六見者。亦爲大戰。日旁有一缺。萬人死。其下兩軍相當。不利先舉。月初滿而蝕。有軍必戰。日月有赤雲蔽之如大杵。軍在外。萬人死。其下兩軍相當。不利先舉。

圖謀氣象占第六十二

白氣羣行徘徊結陣來者。爲他國人來欲圖人。不可應。視其所往。隨而擊之可得。日月濛濛無光。士卒內亂。將軍循法度。察有功以自明。及有兵內發。止嚴利而伺姦人謀議。天陰沉不降雨。晝不見日。夜不見星。月三日已上。陰謀也。將慎左右及敵使。五日至七日。有謀蔽。將奪其權。此其篡殺事。連陰十日。亂風四起。欲雨而不雨。名曰濛。臣謀君。故曰久陰不雨。臣謀主。天陰沉。日月俱無光。晝不見日。夜不見星。月皆有雲障之而不雨。此爲君臣俱有陰謀。兩敵相當。陰相圖議事。若晝陰夜月出。君謀臣。夜陰晝日出。臣謀君。黑氣如幢。出於營中。上黑下黃。敵欲來求戰。而無成實。言信相反。同奸於我。謀將軍之事。通言九日之內。必覺備之吉。黑氣臨我軍。如車輪行。敵人謀亂。我國臣與同勾引小臣。君行罰吉。黑氣遊

行中含五色。臨我軍上。敵必謀合諸侯而伐吾國。諸侯反謀。軍自敗。

吉凶氣象占第六十三

慶雲、赤紫色。如煙非煙。如雲非雲。郁郁紛紛。蕭索輪囷。是謂慶雲。亦曰景雲。見者國有慶。雲含五色。潤澤和緩。見於城上。景雲也。一曰慶雲。非氣非煙。五色氤氲。一曰卿雲。景雲者。太平之應也。五色爲慶雲。三色爲喬雲。一云外赤內青爲喬。雲赤如龍狀。名曰昌光。帝王起則見。如星非星。如雲非雲。或曰星有雨。赤彗上似蓋。下連星。名曰歸邪。歸邪見。必有歸國者。日暈黃色。及抱珥直光。履黃色。皆吉慶之事。京房易飛候曰。視四方常有。大雲五色。具而不雨者。其下有賢人隱。青雲潤澤蔽日。在西北。爲舉賢良。黑氣如大道一條。至四五正。明不見頭尾。東西者。不過三朔。大赦天下。赤氣如散蓋覆軍上。千里內戰。有慶。千里外有憂。黃氣臨營。西向。東向。戰並凶。北向吉。赤氣隨日出。軍行有憂。隨日沒。外告急者。或曰。天下檄告敵。或徵不行凶。赤氣漫漫血色者。流血之象。赤氣如火影見者。臣叛其君。不過三朔。赤氣如龍蛇在山頭住。又如夜光者。臣離其君。國主不安。爲客君所傷。人民流移。遠其鄉里。赤氣覆日而光大旱。人民饑。千里何知賊得否。赤氣行。黑氣隨。赤氣滅。爲賊可得。若獨行無黑氣隨者。賊不可得。黑氣如死人頭在營上。敵人有所獻。且求降。許之不許。必戰。功雖成。士卒多死。黑氣如牛頭。龍馬。蛇。變化疾病。人民流亡。不宜乳婦。夷兵咸欲欺中國。宜遣伺候。讒言爲惡。新出軍行師。假令向東伐。而有白雲從西來。因隨而擊之。勝。若有赤雲東來。逆軍者。敵勝。我軍當敗。急且屯守。他方倣此。黑氣如積土。在我軍

上敵來襲我。我必堅守經月。敵心離。離而後戰。必大勝。若對敵在東方。白雲東去。而有雲又東來相逆。須臾過者。雲已去而有風隨之。所望龍虎之狀。若在我軍。皆大勝。雖從雲而風逆者。亦不可戰。若有雲氣橫來者。兩軍不合。急先伏止。不爾。有遁將。黑氣遊行。中含黃氣。在我軍者。急令舉兵。不速戰。士卒懼。人有逃心。罷軍吉。兩軍相當。彼軍上有氣赤。上如正布。廣長數十丈。其下色黃白。必有背叛之軍。昏見在臣佐。夜見在兵。宜備之。凡被圍。平日視圍上氣鬱鬱如火光芒勢翕翕然者。其方救至。無者無救。軍行有白氣如虹者。軍大驚。宜備之。若黑雲南北陣。國將有憂。不然。有大水爲害。白雲白氣極天南北陣。有憂。黑雲東西陣。君有憂。若天氣蒼茫而東西極天。移日不動者。爲憂深。此氣以戊己日出爲災。日入有青氣東西極天。支干數內無風雨。不出三年。將有大喪。赤雲臨圍上東西陣。國且負兵。三霧。秋以庚辛申酉日。氣色白。東行利爲客。先舉兵勝。後舉兵敗。二霧。夏以丙丁巳午日。色赤黃。氣西行。爲利客。主人凶。四霧。冬以壬癸亥子日。氣青黑。氣南行。興軍動衆。五霧。四季月以戊己辰戌丑未日。氣黃色。行向北。利客。主人內亂。一霧。春以甲乙寅卯日。氣青。出東方向季者。客勝。山中冬霧十日不解者。欲崩之候。雲如正帛而行。若西南。若邑郡者。其君有憂。雲氣如亂壤。大風將至。視從來避之。雲甚潤而厚。大雨必暴至。四始之日。有黑氣如陣。厚重大而多雨氣。若霧非霧。衣冠而濡。見則其城帶甲而趨。日出沒時。有雲橫截之。白者喪。黑者驚。三日內雨者。咎解。雲氣如雄兔。臨軍營中。軍士死亡。天有青氣。人營者。兵弱驚。天有赤色入營者。兵暴驚。天有黃氣入營者。兵和解。天有白氣入營者。兵強。天

有黑氣入營者。士卒疾病。一云。兵相殘。急移營。有雲如蛟龍。所見處。將軍失魄。有雲如鵠尾。來蔭圍上。三日亡。有雲如日月。暈赤色。其國凶。青白色。有大水。有雲狀如龍行。國大水。流亡。有雲赤黃色。四塞終日。竟夜照地者。大臣縱恣。有雲如氣味而濁。賢人去。小人在位。凡遇四方盛氣。無向之戰。甲乙日。青氣在東方。丙丁日。赤氣在南方。庚辛日。白氣在西方。壬癸日。黑氣在北方。戊己日。黃氣在中央。四季日戰。當此日吉。逆之必敗。甲乙日。平旦。所向有白雲。不可攻。丙丁日。所向有烏雲。皆爲城堅。不可攻。他倣此。赤氣如火者。叛其君。赤氣加西方者。客勝。加北方者。客敗。加東方。和解不鬪。加南方者。軍還。天下安。無兵。他倣此。凡天見五色雲氣。望東西南北。至子午卯酉。若百步千步。一丈十丈。一尺長數百丈。如車道長百十丈。日辰相尅者。大鬪。不相尅者。寄居憂除。王氣所臨。有天命。爲兵強。相氣所臨。爲戰勝。將吏有功。死氣所臨。死喪疾病。饑饉破敗。囚氣所臨。爲被圍降敗。休氣所臨。爲兵罷無功。士卒亡散。日中有黑氣。君有小過。而臣不掩君惡。不揚君善。故日中有黑氣。不明是也。凡白虹者。衆亂之首。百殃之本。霧者。百邪之氣。陰來冒陽。姦臣謀主。擅權立威。在天爲濛。在地爲霧。日月不見爲濛。前後人不相見爲霧。象志氣也。晝霧夜明。臣志得伸。夜霧晝明。臣志不伸。一云。君政邪。人覆主上。臣謀冒其君。覆之氣也。臣以非政。亂君政。霧從夜半至。日中不解。遂止於濛。君不悟臣。行姦政於百姓。過日中似雨。臣強無所避。濛日見。邪人欺君。有救。則明政令。審取順信。臣而無害。霧終日終時。有君憂。色黃小。雨。白主兵喪。青疫病。黑主暴水。亦有兵喪旱。黃主土功。或有風。凡夜霧白虹見。臣有憂。晝霧白虹見。

君有憂。虹頭屈至地。流血之象。白虹氣出。其年兵起。凡霧氣不順四時。逆相交錯。微風小雨。爲陰陽氣亂之象。從寅至辰巳上。周而復始。逆者不成。積日不解。晝夜昏暗。天下欲分離。凡霧四合。有虹見其方。隨四時色。吉。非時色凶。凡霧氣若晝若夜。其色青黃。吏相掩覆。乍合乍散。臣欲謀君。爲逆者不成。自亡。凡霧氣四方俱起。百步不見人。名曰晝昏。不有破國。必有滅門。凡天地四方昏濛若下塵。十日已上。或一月日。或一時。不霑衣而有土。名曰霾。故語曰。天地霾。君臣乖。不大旱。外人來。

九土異氣象占第六十四

史記曰。故候息耗者。入國邑。視封疆田疇之整。城郭屋室門戶之潤澤。次至車服畜產之精華。實息者吉。虛耗者凶。然則天地之間。無不有氣色者也。故積錢實。瓦石古墟。市獄戰場。皆有其氣。今轉次之云爾。

海旁蜃氣象樓臺。廣野氣成宮闕。自華山已南。氣上黑下赤。嵩高三河之郊。氣正赤。恆山北。氣青。渤海之間。氣正黑。江淮之間。氣皆白。東海。氣如圓燈。漢水。氣如引布。江漢。氣勁如杼。濟水。氣如黑狔。渭水。氣如白狼白尾。淮南。氣如帛。少室。氣如白兔青白尾。恆山之氣。如黑牛有尾。東海氣如樹。西夷氣如室屋。南夷氣如樓閣。或類舟船幡旗。北夷氣如牛羊羣畜宮闕。黑氣如羣羊。如猪魚。爲六夷不順。陣雲如互。恆杼雲類杼。軸雲類軸。搏兩端銳柄。雲如繩。居前。旦。天山其半。半天者。類門旗。故白雲勾曲。諸此雲見。以五色占。而渾轉密。其見動人。及有兵起合闕。其真雲氣。如三正帛廣。前銳後大。將軍行氣也。千歲龜。上有白雲。韓雲如布。周雲如車輪。秦雲如行人。衛

雲如犬。魏雲如鼠。齊雲如絳衣。越雲如龍。蜀雲如困車。氣乍高乍下。往往而聚。騎氣卑而布。卒氣轉前高後卑者。不止而返。校騎之氣。正蒼黑。長數百丈。遊兵之氣。如彗掃。喜氣上黃下白。怒氣上黃下赤。憂氣上下黑。土功氣黃白。徒氣白。凡候雲之法。氣初出時。若雲非雲。若霧非霧。彷彿若可見。初出森森然。在桑榆上。高五六尺者。是千五百里外。平視則千里。舉目望則五百里。仰瞻中天百里內。平望桑榆間二千里。登高山而望。四下屬地者。三千里。凡欲知吾軍。常以甲己日。及庚子戊午未亥日。八月十八日。去軍十里。登高望之。可見。依別記占之。百人已上。皆有氣。凡占災異。先推九宮分野。六壬日月。不應陰霧風雨者。乃可占。對敵有雲來甚卑。掩溝蓋道。是大賊必至。食不及飽。急起嚴備之。敵在東日出候。在南日中候。在西日入候。在北夜半候。凡氣在王相色。吉。在囚死色。凶。凡軍上氣高勝下。厚勝薄。實勝虛。長勝短。澤勝枯。凡氣欲似飢。上氣勃勃上昇。積爲霧。霧爲陰。陰氣結爲虹蜺。暈珥之屬。凡氣不積不結。散漫一方。不能災。必須和雜殺氣。森森然疾。乃可論占。軍上氣安則軍安。氣不安則軍不安。氣南則軍南。氣北則軍北。氣東則軍東。氣西則軍西。氣散則軍破散。候氣常以平旦。下晡。日出沒時。處氣見以知。夫占之期內。有大風雨久陰。則災不成。故風以散之。陰以疎之。雲以藏之。雨以解之。

雲氣入列宿占第六十五

角宿有雲狀如刀劍。□□角間有憂。陰謀起。天子下殿。有雲蒼色入左角。兵散。出右角。戰有憂。

亢宿有雲入亢。人民疾疫。有氣入亢出氐。君主疾。

氐宿有蒼白雲入氐。天下大疫疹流行。有黑雲入氐。水災。

房宿有赤雲狀人入房。后有娠。不然。姦事起。有氣入房。宮中大兵起。名曰內亂。

心宿有青雲出心。天子使諸侯將出。有白氣入心左星。太子受賜。黑氣入心右星。庶子受賜祿。

蒼

白氣入心中星。天子有憂。

尾宿蒼氣入尾。故臣有來歸身者。出尾。臣有死者。白雲入尾。君故臣有來者。

箕宿蒼氣出箕。國災除。又曰。入箕。四夷來見。黃雲入箕。有蠻夷來貢。

斗宿蒼白雲氣入南斗者。多風。赤氣入斗。兵起。

牛宿虹雲出牽牛之度。必有崩城。期二年。蒼雲入牛。牛多疾。

女宿赤雲入須女。婦人多以兵死。白氣入女。女多疾疫。

虛宿蒼雲入虛。哭泣在內。出虛。禍除福興。黃氣入虛。天子以喜。起廟祠祀。

危宿蒼白若赤雲入危。有土功蓋屋大作之事。蒼氣入危。中國憂損屋。

室宿蒼白雲入室。大人喪之憂。入壁同。氣潤澤如日月見室。男子之祥。

壁宿赤雲入壁。有兵起。黑氣入壁。有破王。

奎宿赤雲入奎。有兵若疾病。

婁宿白氣入婁。人民受賞。黃氣入婁。貴人受賜。

胃宿蒼白氣入胃。以喪糴粟。黑氣入胃。困倉敗穀腐。

昂宿蒼赤雲入昂。人民多疾疫。妖言大起。不然龍見。

畢宿蒼白雲入畢。歲不收。出畢口其禍除。又曰赤雲入畢。兵起。大旱。火災。白氣入畢口中。其歲大人

必有生者。

觜宿黃雲入觜。兵隨之出。黑氣入觜。大人憂。

參宿蒼雲入參。有火災。赤氣入參。內有兵起。

井宿黃氣白入井。有客來賓。池澤水事興。赤雲入井。大水。不然有疾病。

鬼宿白雲入鬼。有疾病憂。黑氣入鬼。大人憂。同。

柳宿赤雲入柳者。有失火之憂。出柳者。大旱。黃雲入柳中。五十日赦。

星宿蒼白雲入七星。大人憂。赤氣入七星。四曲五曲不正者。有亡臣。

張宿白雲入張。大客有憂。赤氣入張。天子用兵賜物。黃白氣潤入張。天子因喜賜客。出張。天子使信

物。賜諸侯。黃赤氣入張。憂。出張。天子用兵。

翼宿黑氣入翼。政短。翼星有氣。三夜不去。大人憂。兵大起。車騎滿野。

軫宿蒼雲圍軫。亡國之戒。蒼白氣入軫。王大幸。觀出軫。其禍除。黑氣如鼠入軫正中。大人墮車憂。或

落牀。黃白雲出軫。天子用車爲幣。賜諸侯王。

雲氣入中外官占第六十六

赤黃氣出紫宮。有立王。赤黃氣出紫宮中。天子用錢物賜諸侯王。赤雲氣直入紫宮中。兵大起。內亂。有立王。赤氣出紫宮中。兵起。赤黃氣潤澤入紫宮中。天子有嘉劍。黃白氣潤澤如刀劍。入紫宮中。天子有男喜。黃白氣入紫宮中。有立侯王。黃白氣正圓如杯碗。入紫宮中。幸臣有奉獻美女者。入大微同占。蒼白氣出紫宮。其禍除。起或入長垣。胡人起。蒼白氣出天極中。其禍除。蒼白氣入勾陳中。大司馬憂喪。黑氣入勾陳中。大司馬戮死。赤氣入勾陳中。內亂。赤氣出勾陳中。大戰。將有功。黃白氣入勾陳中。將大戰。白氣入勾陳中。天子立宗廟。黑氣出勾陳中。其禍除。赤氣入北斗。兵起。及宮廟有火。憂大旱。赤氣入北斗中。還勾陳南斗。不過一年。有流血。兵將死。客勝主。黃白氣入北斗。天子使諸侯。雲氣五色直入北斗。天子必立天子。遠二年。近百日。蒼黑氣入北斗。魁中。貴臣死獄中。蒼白氣出北斗。魁中。其禍除。赤氣入北斗。魁中。將斧鑕斬者。黃氣出北斗。魁中。天子出惡令。黃白氣出北斗。魁中。天子左右幸臣。有囚者蒙德令。蒼白氣入北斗。多大風。黃雲蔽北斗。明日雨。赤雲掩北斗。明日大熱殺人。白雲掩北斗。不過三日雨。青雲掩北斗。五日雨。天下晴。北斗上下獨有雲。後五日內必大雨。黃白氣集輔星。相有喜。白氣集輔星。相有憂。赤氣集輔星。相有斧鑕之事。赤雲入攝提。九卿憂。黃雲入攝提。九卿有賞。赤氣入攝提。戈盾用事。青雲一道。如千尋槍竿。而衝大角過者。

殿梁棟折。黑氣出梗河兵大戰。蒼白氣出招搖三夜不去。大人憂。黃氣出女牀後宮有子喜。白氣有喪。黑氣出女牀後宮有死者。青氣有病。蒼白氣入天棊有喪。蒼白黑氣出天棊中其禍除。青氣入天棊有喪出天棊有禍。赤氣出天棊兵大起戮死。黑氣入天棊大人憂。蒼白氣出貫索中其禍除。蒼白雲氣入貫索中天子憂亡地。赤氣入貫索中有內兵起。黃氣入貫索中天子喜。蒼白氣入織女主憂病。蒼白氣出天市其禍除萬物賤。蒼黑氣入天市中萬物賤。赤氣入天帝中兵弩貴。赤氣出天市中兵大貴。黃白氣長如二疋繒布常集天市中神奇物出天子有喜。赤氣出天江車騎將軍出。蒼白氣出河鼓中將有憂。黑氣入匏瓜天子食菓爲害。蒼白氣入天津中君有憂。蒼黑氣入王良奉車憂。蒼白氣入附路太僕憂。客氣出天船中不出一年有自立者。蒼白雲氣入三台人民多喪。白雲大圍長二三丈出天牢中貴人及人親屬必斬死。赤氣入天理中兵大起。赤氣出東西掖門者起兵將受令。赤氣入東西掖門內亂兵起人主且有吉事。天必應以雲光影。黃白氣入東西掖門天子有喜。黃白氣出東西門天子出德令。一曰雲如爲口在太微中有人爲外應者。黑氣入東西掖門大人憂。蒼白氣出東西掖門天子憂喪事出太微中其禍除。蒼白氣如人反走獸入太微坐旁有反者。蒼白氣如走獸入抵太微帝座星天子有憂。蒼白氣入抵太微及帝座天子有喪事。赤黃氣潤澤入太微中天子有喜事。赤黃氣潤澤如箕箒入太微中婦女有喜事。赤黃氣如箕箒出太微中天子用錢物賜美女。赤黃氣入太微中天子用錢賜諸侯王。赤氣出太微兵起。一曰有

立王。赤氣如杯椀正圓。出太微中。天子用璧賜諸侯王。赤氣直指太微坐左右。諸侯且內亂。黃白氣出太微中。有立王。黃白氣如赤黑氣。蛟蛇及龍形。在太微庭宮闕上。有白衣之會。其同章環太微天庭。而主殺主喪。此氣皆亂臣讒賊之氣。黃白雲氣出宮上。若旗有光。人主有喜。延年益壽。有青白氣出五帝座。徑出南門者。不出九十日。人君失其官。天下不安。赤氣出五帝座。下至入幸臣中者。不出六十日。近臣有欲謀其君者。氣不成。不明形者。死亡。天下大亂。青白氣出幸臣。入五帝座。臣中正欲論兵事。發。入積卒氣上赤下白。大如井口。從外入壓太微庭者。邪臣。氣直者。貴臣之氣。太微中有雲如鳥。諸侯反。有來誅天子內連謀。黃氣出太子座上。入五帝座者。不出六十日。太子卽位。黑氣抵太微坐。左右諸臣死。蒼白氣入郎位。中兵起。赤氣出郎位。多用兵。遠出行。黃白氣潤澤入郎位。中郎受賜。黑氣入郎位。郎多死者。

雲氣入外官占第六十七

赤氣直如千尋槍竿。衝庫樓。天子自將兵。兵大動。武庫官憂。內外不安。赤氣入魚星。車騎滿野。軍大動。將軍憂。蒼白氣入羽林軍。直南出後。有憂。赤白氣入龜。巫卜官憂。赤黑氣入鼈魚。白衣之會。天下易政。赤氣入傳說。祝官憂。赤氣入北落師門。中兵起。蒼黑氣入天倉。歲不熟。青白氣入天困。歲饑。蒼白氣入騎官。將死。赤氣入敗白。人主凶。青氣入天廩。飛蝗生。赤氣入天苑。中牛馬多傷。赤氣出參旗。不出一年。西胡來欲盜中國。若侵地。不出三年。天下煩擾。百姓多憂。蒼白氣入天廁。中天子

有陰病。青赤氣入積卒中。正臣欲論兵事發。赤氣入天潢中。兵大起。蒼白氣入咸池中。水蟲多死。蒼白氣入折威中。大臣作逆內亂。兵大起。天子失勢。赤雲氣入天積中。有火憂。芻蕘一名天積。歲星起出喪氣長三丈。三日雨。王者不安。大擾。熒惑出喪氣長一丈。百日旱。填星出喪氣長四丈。有土功。多雨。太白出喪氣長三丈至六丈。多風雨。兵大起所指處。辰星出喪氣長一丈。大水氣象。昇沉表吉凶之得失。青氣白黑犯官坐。而入占者察焉。豫曉祲變。括量銓度。唯氣幽深。窮之更堅。鑽之更邃。諸占隱辭決。並在略例中。若志士研精。須得指圖者也。僕尋之白首。粗得其門。後世學人。觀此意也。

乙巳占卷第十

易曰。巽爲風。巽卦曰。重巽以申命。又云。撓萬物者。莫疾乎風。風以散之。詩序曰。風。諷也。教也。風以動之。教以化之。然則風者。是天地之號令。陰陽之所使。發示休咎。動彰神教者也。洪範曰。念用庶徵。云聖時風若。咎徵。云蒙。恆風若。周禮春官保章氏。以十有二風。察天地之和合。乖別之祲祥。自此而觀。卽覘風聲以探禍福。繇來尙矣。故金縢未啓。表拔木之徵祥。玉幣纔交。起偃禾之異事。宋襄失德。六鷁退飛。伯姬將焚。異鳥之唱。是知風覺鳥情。天地之事理。其所繇來久矣。昔子野驟歌。以驗楚軍。吳範立候。而期關羽。楊範之占雞酒。管輅之察飛鳩。並皆占等。同符義過合契。是知事無大小。隨感必臻。祥無淺深。見形皆應。此則法術之所繇來也。余昔敦慕斯道。歷覽尋究。自翼奉已後。風角之書。近將百卷。或詳或略。真僞參差。文辭詭淺。法術乖舛。輒削除煩蕪。翦棄遊談。集而錄之。以爲風鳥參驗。附于玄象之末。并有立成。以備倉卒。庶使文省事周。詞約理贍。後之同好。想或觀之。夫盛口微嘯。尙有徵應。況五行招感。能無所聞。陸賈曰。目矚得酒食。火花得錢財。鵲啄足。而行人至。蜘蛛集。而百事喜。小旣如此。大亦有之。將來君子。幸畏天命也。

候風法第六十八

占風遠近法第六十九

推風聲五音法第七十

五音所主占第七十一

五音風占第七十二

論五音六屬第七十三

五音受正朔日占第七十四

五音相動風占第七十五

五音鳴條已上卒起宮宅中占第七十六

推歲月日時干德刑殺法第七十七

論六情法第七十八

陰陽六情五音立成第七十九

六情風鳥所起加時占第八十

八方暴風占第八十一

行道宮宅中占第八十二

十二辰風占第八十三

諸解兵風占第八十四

諸陷城風第八十五

占入兵營風第八十六

五音客主法第八十七

四方夷狄侵郡國風占第八十八

占官遷免罪法第八十九

候詔書第九十

候赦贖書第九十一

候大赦風第九十二

候大兵將起第九十三

候大兵且解散第九十四

候大災第九十五

候諸公貴客第九十六

候大兵攻城并勝負候賊占第九十七

候喪疾第九十八

候四夷入中國第九十九

雜占王侯公卿二千石出入第一百

候風法第六十八

凡候風者。必於高迺平原。立五丈長竿。以雞羽八兩爲葆。屬於竿上。以候風。風吹羽葆平直則占。亦可於竿首作盤。盤上作木鳥三足。兩足連上而外立。一足係羽下而內轉。風來鳥轉回首向之。鳥口銜花。花旋則占之。淳風曰。羽必用雞。取其屬巽。巽者號令之象。雞有知時之効。羽重八兩。以倣八風。竿長五丈。以倣五音。鳥象日中之精。故巢居而知風。鳥爲先首。淮南子曰。天欲風。巢居先翔。古書云。立三丈五尺竿於西方。以雞羽五兩係其端。羽平應占。然則知長短輕重。取於合宜。竿不必過長。但以出衆中不被隱蔽爲限。有風卽動。便可占候。羽毛必五兩已上。八兩已下。但以羽輕則易平。重則難舉。常住安居。宜用鳥候。軍旅權設。宜用羽占。羽葆之法。先取雞羽中破之。取其多毛處。以細繩逐緊夾之。長短三四尺許。屬於竿上。其扶搖。獨鹿。四轉。五復之風。各以形狀占之。

占風遠近法第六十九

凡風動。初遲後疾。其來遠。初急後緩。其發近。此以遲疾推風發遠近。凡風動。葉十里。鳴條百里。搖枝二百里。墮葉三百里。折小枝四百里。折大枝五百里。一云。折木飛砂石千里。或云。伐木施千里。又云。折木千里。拔木樹及根五千里。此鳴條已上皆百里風也。此以勢力推風遠近。凡大風非常。三日三夜者。天下盡風也。二日二夜者。天下半風也。一日一夜者。萬里風也。此以時節多少推風發遠近。凡風二日二夜。事及三千里外。一日一夜周時。事及二千里。或一日或一夜六時已上者。事及一千里。半日半夜三時已上。事及五百里。三時已下。事及百里。此以時多少推災及遠近。凡大

樹拔根事及三千里外折大枝事及二千里。此以勢力占災遠近凡風近起城郭中者有急事卒起宮宅中者爲左
右有變事風自百里已上來者皆謂其風時緩時急條長垂索索然者是也若蓬勃乍起乍止卒緩卒
急勢無常準者並二百里以內非遠來爲災乃重若當時有雲雨雷電者不占其應四時災日兼雷雨而
發者並依別占周成王偃禾之風是也淳風曰天下地氣有偏饒風處或近山川或近大水皆以異常爲
占而山川記復有近風穴處然風發出之時皆有所應然風或發一時間遠乃至十日已上者災重而京
房風角又有推五音風所發遠近各以其五音之數期風來處遠近凡風發一日爲其縣二日他縣三
日其郡四日他郡五日其州六日他州各以日數知災所及一云凡風一日一夜爲邑二日三日爲州四
日五日爲國六七日爲天下凡五音有納音中金木水火土定五音者有十二辰配五音有聽聲配五
音宮風近十里中百里遠千里。宮之數也羽風近六里中六十里遠六百里徵風近七里中七十里遠
七百里角風近八里中八十里遠八百里商風近九里中九十里遠九百里淳風曰案京房角風
所載五音風發遠近皆以五行成數推之其云遠近及中者皆以日時多少及勢力強弱以事準之推其
遠近皆變通其數觸類長之而風所從來二十四處皆須明知發止審別支干及以八卦所在發時早晚
來從何處息在何時迴在何日何辰皆須審明知之凡候風之體須明知入卦審識支干或上或下或
高或卑必曉此義然後可驗必無乖越若失在毫末差深千里今設八方之法八干甲乙丙丁庚辛壬癸
四卦乾坤艮巽八干四卦十二辰惣有二十四分皆立方迭相衝破卽是風所從來審視發止乃可占驗

凡風從戌上來者須抵辰。自辛至者須直乙。發乾上來者必須抵巽。如此交衝。始知來處。以辯辰卦而入於占。迴風卒而圓。轉扶搖。有如羊角。向上輪轉。有自上而向下。有從下而昇上。或平條長直。或磨地而起。

推風聲五音法第七十

謂太史必知風之情。曉風之聲。宮聲如牛鳴牢中。隆隆如雷。鼓響云直如雷鼓也。徵風聲如奔馬。炎註一作燎火。上如縛甕駭起。商風聲如離羣之羊。如叩銅鐘。如飛集之羽。如流水汲汲。咨嗟聲感人。羽風聲如擊濕鼓。如流水揚波。激氣相碰。如麋鹿之鳴子也。角風聲如千人語。閶閶然令人悲哀。如人叫啾啾。如千人呼嘯。如雞登木。李淳風曰。五音者是五行之聲。皆出於黃鍾之管。以生清濁。黃鍾之管長九寸。聲最濁。以爲宮。其數九九八十一。三分增減。以生上下。故三分減宮一分。餘五十四。三分益一。七十二。三分減一。四十八。三分益一。六十四。以成五音之數。夫聽五音之法。必須以耳察其聲。以牙牙古互字大小。而清濁有大小。量聲體響。不可以文載口傳。是故黃帝截竹爲管。以大小長短爲聲之法。然長短度量。必須以數正之。度數若正。則其聲亦正。今風發聲。大小無定。不可一準。故推其清濁。以知大小。況耳但人見不同。故聲體多別。商徵牙錯。冀彼知音。黃帝曰。凡風之動。皆不安之象也。若在山川海濱之上。空穴之間。風所起處。皆不可占之爲常式也。若在宮宅城營之內。戰陣之所。風勢異常。吹颺沙石。日光白濁。則乃占之。黃帝曰。凡人君理順四時。則春無淒風。夏無苦雨。先王之治。以天下爲家。以兆民爲子。凡風用意察之。若紛錯交橫。

乍起乍止。儒墨深藏。智者緘默。風若有聲刮耳。君用小人。疎遠君子。風若肅肅習習。調和潤氣濡物。而卯酉之位乘之。必雨須臾而至。風若暴疾。南北無處。交錯離合。紛埃相注。此風之應。必在人主。風若冥冥。白日沉形。黃霧四塞。太陽翳精。主之昏亂。政教不明。風若滅滅。相隨南北。旁亂相觸。高下遲疾。人去其宅。大兵四集。風若寒切。令人戰慄。刑罰急酷。暴霜殺物。風若啾啾。令人悲愁。必有大喪。疾疫之憂。風若炎炎。或遲或疾。爲火爲旱。誠之所急。

五音所主占第七十一

宮爲君。商爲臣。角爲事。徵爲令。羽爲物。宮數一。爲君。爲身。徵數三。爲宗廟。爲先人。鬼怪。羽數五。爲境界。爲妻財。商數七。爲吏僕。爲疾。爲死喪。淳風曰。按五音所主。以宮爲君體。象五行之內土。爲五行土性。是地也。地體與天敵體。故宮音於五音之內。爲君之尊。必主宗廟。宮之先人。蓋是火行。故次徵。而號令之體。不取自專。必因宗廟。故徵亦爲號令。體必有二道。不孤立。助祭宗廟。佐修陰道。故立妃后。以設母儀。是以羽爲宮妻。妾是親物。故亦爲物。有妻有物。百世本枝。當須子嗣。以紹宗社。故次商。而爲臣子。易窮則變。物極則反。天道常運。萬物隨時。次及於事。事之大者。莫過於病。病死之道。因於鬼刑。角是宮宮。故角終其末。論五音。則因濁而至清。論情誼。則從尊以主卑。故宮生於徵。徵生於角。角生於羽。此其宜也。

地十二辰五音法。子爲陽宮土。主帝王。丑爲陽徵火。主旱。大災。口舌。宮寺。寅爲陽徵。主烽燧。旱火。卯爲陽羽。主雨水霖霪霧露。辰爲陽商金土。大將吏士。巳爲陽角。主疾病憂懼。午爲陰宮土。主妃

后。未爲陰徵火。主庶人土功。飛蟲。詔書檄。申爲陰徵火。爲郵驛尉侯。酉爲陰羽水。主霜電陰沉。戌爲陰商金。主小將兵刃。亥爲陰角。主死喪哭泣。李淳風曰。自子至巳。皆爲陰律所上生。故爲陽。自午至亥。皆爲陽律所下生。故爲陰。

洪範五行之數。水火金木土。蓋自順理。自北徂南。先經後緯。以土數註之。今五音則宮徵羽商角。宮爲聲主。以集五音。形其尊卑。故逆自南徂北。先緯而後經。逆順先後。蓋取聲形爲質也。數兼奇偶。聲爲響也。陰偶陽奇。獨奇陽。性動者逆行。情定者順入。是以有逆順之理焉。徵者大也。大是南方。體合二位。故戊己及土同在南方。五音之說。故以二位成體。所以平均多少。遞標逆順。猶六神之內。大兼二將者也。

五音風占第七十二

宮風。音如雷。鼓發屋折木也。怒。有土功。宮主。人君內亂。宮爲君發屋折木。不出十日。百日。宮有所之。風以動之。以所且有急令。風必有。急令也。貴人相捕斬。恐其傷亡。遞相捕斬。天下兵起。貴賤相誅。下不堪。盜賊滿市。人饑不貴人誅兵卒起。車馳馬奔。流移不止。宮爲土。土動。故人移居。亂則兵起。車馳。徵風發屋折木。不出三日。已令不行。賊入市。車馳馬奔。流移不止。但有急令。應占則下皆發。他皆倣此。凡言吏者。理人官。羽風發屋折木。不出五日。五十日。糴大貴。人以水爲敗。若大喪。后妃黜。寶物出。性恐怖驚亂。上至三公皆是也。羽風發屋折木。不出七日。七十日。有急令。兵起。糴大貴。國四門閉。兵從中起。四門閉者。閉梁塞城。邑固折而備干也。角風發屋折木。不出九日。九十日。有急賊盜鬪戰。糴大貴。大饑。人饑相食。有大死喪。當有疾癘之事。淳風曰。按

京房翼奉風角舊書皆以此與五音相動風占相連各在一音之首後之學者竟不能悟渾難推考頗乖舊意今輒惣集之於此別爲條例則使後學如是風聲之占不與彼日辰五音相雜矣然卽此風雖知聲之所主發之禍福皆須以日辰來處相參課之占風之家多云發屋折木飛沙轉石等語若每一行之中一著此語則於文頗煩今輒集風發之體以一字例凡古占云發屋折木者今皆云怒風古占云揚沙轉石者今皆云狂風古占云四轉五復者今皆云亂風古占云暴風卒至乍有乍無者今皆云暴風古占云獨鹿蓬勃者今皆云勃風古占云扶搖羊角者今皆爲飄風今因此以風來清涼溫風取爾雅風名風而雨爲霾陰而風爲翳日出而風爲暴迴風爲飄焚輪謂之類扶搖謂之焱

論五音六屬第七十三

五音者一言宮三言徵五言羽七言商九言角六屬者庚屬震辛屬巽戊屬坎己屬離丙屬艮丁屬兌子午屬庚丑未屬辛寅申屬戊卯酉屬己辰戌屬丙巳亥屬丁乾主甲子壬午甲爲陽日之始壬爲陽日之終子爲陽辰之初午爲陽辰之中乾初在子則乾四在坤主乙未癸丑乙爲陰日之始癸爲陰日之終丑爲陰辰之初未爲陰辰之中坤初在子則坤四在巳坤主乙未癸丑坤初在子則坤四在巳巽主辛丑辛未巽爲長女坤初主乙乙對於辛故坎主戊寅戊申戊爲中男故主巽主辛丑辛未巽爲長女坤初主乙乙對於辛故坎主戊寅戊申戊爲中男故主艮主丙辰丙戌艮爲少男乾上主壬對丙故兌主丁巳丁亥坤上主癸艮主丙辰丙戌艮爲少男乾上主壬對丙故兌主丁巳丁亥坤上主癸離主己卯己酉離爲中女故離主己卯己酉離爲中女故主中辰辰主丙辰丙戌主中辰辰主丙辰丙戌是第五配之兌主丁巳丁亥兌爲少女

對丁故主丁巳故八地十二辰以命十干所屬者命之未至以其言數納其音以數主一曰今日辰相亥是第六故配之故八地十二辰以命十干所屬者命之未至以其言數納其音以數主一曰今日辰相配共得一音然月初出於庚見震象八日丁上見兌象十五日甲上見乾象十六日平旦辛上見巽象二十三日子平旦丙上見艮象晦日見離象朔日見坎象於戊己中宮此之所主從月而來矣

五音受正朔日占第七十四

細音立成日并納陰陽六情中同者也

朔者正月一日諸納音陰陽宮日子盡亥為陽庚子為陽宮庚午為陰宮庚午重陽以此宮音受正朔日風者賣田宅收粟謂正月朔也淳風以十一月朔日為元徵日受正朔日風者賣田宅絲綿收大麥羽日受正朔日風者賣下田就山陵居五穀水傷商日受正朔日風者賣六畜收筋角皮脩甲治兵角日受正朔日風者賣田宅收奴婢棺槨及送終之具

五音相動風占第七十五

宮日風從宮來人君出行從徵來土功寶物出有兵宮日子午風從子午來為宮動宮從子上來山陵崩壞人君出行專風也從子一本無午來地震裂若后出行時加子午為重宮君將欲行大臣走若后出遊也宮日子午風從丑未來寅申來為宮動徵有土功寶物出有兵時加徵為重徵有義兵土功興國出令有詔書義風也宮日風從羽來且大雨不止則大臣出走若復為旱宮土羽水盛則水衰水衰則火起故亦為旱宮為君羽為人故大臣時加羽為重羽則大雨陰制風也宮日風從商來有兵行且有客兵時加辰戌為重商有兵殃保出走時加羽為重羽則大雨陰制風也宮日風從商來有兵行且有客兵時加辰戌為重商有兵殃保風也宮日風從角來必鬪兵人君凶客兵傷有急兵若有喪傷角來邊兵有大戰宮為土為君角為木土動木所不勝故君

凶木主哭泣故客軍傷有大喪也

時加己亥爲重角君不昌宮有大喪宮日風從乾來有涌水暴雨宮日時加宮怒

風從艮來山陵崩壞人君出行水涌地裂宮日時加宮怒風從巽來蝗蟲生害五穀宮日時加宮怒

風從坤來有走獸爲害有土功徵日風從陽宮來有火災土功起將大旱火殃數起宮寺多失火災起

從陰宮來太子有疾時加徵爲重徵有火災土功起徵日風從陽徵來有火災人君有災恐走獸爲災

宮寺多失火從王相陽宮來歲大樂有火災旱從陰徵來人君憂走獸爲大災時加寅申丑未爲重

徵國四門閉徵日風從陽羽來四隣有事寶物出陰盛於陽且或有雷電有霜雹諸侯大夫多失史

從陰羽來四夷有事寶物出多雷電徵日風從商來有急兵人君出入有輔佐強兵自守七日若七十

日有邊兵鬪徵日風從陽角來有兵起急兵動驚春有喪金尅木水于火反尅金故羽日風從陽宮來

人持財物聚君吏有令憂兵起將受命有集會有土功有寒霜雪從陰宮來有水土功暴寒傷物兵集

羽日風從陽徵來有兵國有受令有憂人臣有急憂關梁塞羽日風從陽羽來且欲雨白衣聚若有

大喪大雪霜雹日出沒時又五日或五十日白衣會若五宮立有喪寒且雨從南方來則國有憂人多

疾病北方來則有雹霜或聚在水中羽日風從陽商來有鬪兵圍城不戰邊有兵關梁不通有喪兵不

興金水母子和故動角邊兵圍城敗羽爲角除羽日風從陽角來邊兵圍城城敗一云有兵時加己亥爲

重角有圍城若大喪商日風從陽宮來戒太子忌怨人君有疾兵疾有急兵宮土土生金所是一金兩

從陰宮來庶子有急變兵兵在北方商日風從陽徵來國邑受令兵且行將在外兵還不戰臣受兵令

行。徵爲號令。商爲兵。故兵令退也。時加徵爲重徵。有大兵行。商日風從陽羽來。歲大荒。國凶憂亂。且大雨。兵在東方。

商日風從陽商來。有白衣聚衆之象。立王之徵。且大雨。關梁塞。大將出退外敵。外敵來邑中。有小急。且有

急兵。人君主憂。國四門閉。兵在西方。從陰商來。爲大殃。糴貴。中有兵。風怒七日七十日。急令兵大起。羽入

從金生。故爲大雨。二金逆行。故主憂。大兵。關梁塞也。商日風從陽角來。有急兵令發。

商日風從陽宮來。人君有憂。兵從申起。國四門閉。從陰角來。有大喪。貴人多疾病。有土功。宮爲君。角主死。故爲大喪也。

角日風從陽徵來。吏歛民財。若兵出會衆。倉粟糴貴。寶物出。有蝗蟲。角木。徵火。火爲絲。故吏歛民財。物角日風從陽羽來。

有土功。且大雨。邊有兵。卿大夫多口疾。先暑風後雨。角日風從陽商來。憂有卒兵也。鳴條已上。皆應。角

日風從陽角來。邊兵起。人主凶。有死亡。盜賊至。不勝。南方來。有兵。遠喪至。所不勝。而發時加角爲重角。有

遠喪。有邊兵。盜賊起。糴貴。野有饑人。角主哭泣。木爲金所耗也。李淳風按。風角書與樂產本。多少不同。占驗又異。今

輒總括。除煩略穢。其有時下風來處同者。爲重。其音。此謂時音。與風所發處同。故云重。如余所見。與日重

有與風重者。爲異。其陰陽五音。主亦不同。各須以陰陽分別也。

五音鳴條已上卒起宮宅中占第七十六

宮日風鳴條已上。皆爲人君出行。從德鄉來。德事出。謂歲月日時及溫德和清明也。一作謂歲月日時五行之德爲吉情。刑鄉來。刑事出。謂

行歲月日時之利及寒烈冥濁。及卒起宮宅中。皆爲土功興作。若潰亂出入聚衆。徵日風鳴條已上。來去皆發止於徵

者。及卒起宮宅中。皆爲失火。若有召口舌鬪憂也。從徵來。時加徵而止於徵。爲宮寺失火。羽日風鳴條

也。日也。時也。今淳風謂三刑者。刑上。刑下。自刑。四刑之中。有此三刑。四刑辨尊卑。三刑別淺深也。辨和風災風法。凡災風之來。多挾煞氣。寒尅白濁。塵埃蓬勃。若吉祥之風。多德氣。并而日清明。天氣溫和。風氣索索。條長去地少高。不動塵土。平行而過。今諸字占。並具言寒尅白濁等語。今略之爲例。諸稱寒尅白濁者。今云災氣。諸稱清明溫和者。今云和氣。凡如此清明。即云清和。諸稱大風寒冥。冥日無光。沉沒霧氣者。今云昏氣。

論六情法第七十八

六情者。好。惡。喜。怒。哀。樂。水性智敬。木性靜仁。火性躁亂。土性力信。金性剛義。一曰貪狼。申子辰。水之源。其性侵淫。其性貪靜。水動而溢下。晝夜不停。向震。故申子爲貪狼。辰未爲奸邪。水性智。故達下。流趣未。冬藏。故曰貪狼。二曰陰賊。亥卯未。木之類也。其性屈曲。其情邪伏。陰映閉匿。爲水所生。返害所養。故亥卯爲陰賊。未爲姦邪。木自水生。葉落還本。歸於亥。主盜賊。故主陰賊。春生。故曰陰賊。三曰廉貞。寅午戌。火之位。其性真正。其情炎盛。精耀上昇。淹濁下降。以禮自濟。不受穢惡。與離同類。道合重明。故寅午爲廉貞。戌爲公正。火性夏長。故正。炎強自伏。其卿不濫他所。故曰公正。四曰寬大。巳酉丑。金之位也。其性義斷剛直。其情寬大。與乾健同類。與兌相當。有象施與。故巳酉爲寬大。丑戌爲公正。金剛義直。自歸本城。秋收故寬。體天故大。五曰姦邪。辰未主之。辰爲水末。未爲木窮。水爲智。智窮則姦生。木旁則邪曲。

不信、亡財遇賊、主攻劫人也。京房云、求人也。巳酉丑寬大、主福祿賞賜、聚集酒食、主貴人君子。京房云、酒也。

亥卯未爲陰賊、主戰鬪殺傷、謀反叛逆。京房云、劫也。寅午爲廉貞、主賓客禮儀、嫁娶國儀、爲人誠信謙謹。

京房云、爲上客遷官。丑戌爲公正、主報怨仇、主兵。京房云、諫諍也。辰未爲姦邪、主欺慢人。京房云、淫佚、疾病、欺給。第一、本情、乙

主、第二、合情、主之、第三、刑情、主之、第四、衝情、主之、第五、鉤情、主之、第六、合、子與丑合、寅與亥合、卯

與戌合、辰與酉合、巳與申合、午與未合、三刑、子刑在卯、卯刑子、丑刑戌、戌刑未、未

刑丑、寅刑巳、巳刑申、申刑寅、辰、午、酉、亥、自刑、對衝、子午、丑未、寅申、辰戌、卯酉、

巳亥、已上並衝破也。六鉤、子鉤酉、丑鉤辰、寅鉤亥、卯鉤午、巳鉤申、未鉤戌、五合、甲己合、

乙庚合、丙辛合、丁壬合、戊癸合、陽德自處、柔德在天。

陰陽六情五音立成第七十九

甲子、陽商、貪狼。情本甲申、陽羽、貪狼。情本甲辰、陽徵、姦邪。情本

乙丑、陰商、公正。情本乙酉、陰羽、寬大。情本乙巳、陰徵、寬大。情本

丙寅、陽徵、陰賊。情合丙戌、陽宮、陰賊。情合丙午、陽羽、姦邪。情合

丁卯、陰徵、公正。情合丁亥、陰宮、廉貞。情合丁未、陰羽、廉貞。情合

戊辰、陽角、姦邪。情利戊子、陽徵、陰賊。情利戊申、陽宮、廉貞。情利

己巳、陰角、貪狼。情利己丑、陰徵、公正。情利己酉、陰宮、寬大。情利

乙巳占 卷十

庚午、陽宮、貪狼、情衝庚寅、陽角、貪狼、情衝庚戌、陽商、姦邪、情衝
 辛未、陰宮、公正、情衝辛卯、陰角、寬大、情衝辛亥、陰商、寬大、情衝
 壬申、陽角、寬大、情鉤壬辰、陽羽、公正、情鉤壬子、陽角、寬大、情鉤
 癸酉、陰商、貪狼、情鉤癸巳、陰羽、貪狼、情鉤癸丑、陰角、姦邪、情鉤
 甲戌、陽徵、公正、情本甲午、陽商、廉貞、情本甲寅、陽羽、廉貞、情本
 乙亥、陰徵、陰賊、情本乙未、陰商、姦邪、情本乙卯、陰羽、陰賊、情本
 丙子、陽羽、公正、情合丙申、陽徵、寬大、情合丙辰、陽宮、寬大、情合
 丁丑、陰羽、貪狼、情合丁酉、陰徵、姦邪、情合丁巳、陰宮、貪狼、情合
 戊寅、陰宮、寬大、情利戊戌、陽角、姦邪、情利戊午、陽徵、廉貞、情利
 己卯、陰宮、貪狼、情利己亥、陰角、陰賊、情利己未、陰徵、公正、情利
 庚辰、陽角、公正、情衝庚子、陽宮、廉貞、情衝庚申、陽角、廉貞、情衝
 辛巳、陰商、陰賊、情衝辛丑、陰宮、姦邪、情衝辛酉、陰角、陰賊、情衝
 壬午、陽角、陰賊、情鉤壬寅、陽角、陰賊、情鉤壬戌、陽羽、姦邪、情鉤
 癸未、陰角、公正、情鉤癸卯、陰商、廉貞、情鉤癸亥、陰羽、廉貞、情鉤

甲. 德自處
刑戊

丙子兩不兩則
晦海裏起兵

乙. 德日庚
刑巳

粟貴邊
夷內侵

丙. 德自處
刑庚

兵邊城有
見圍

丁. 德在壬
刑辛

天旱傷物
人多疫

戊. 德自處
刑壬

有土功食物
若欲議遷邑貴

己. 德在甲
刑癸

有土功食物
貴若欲遷

庚. 德自處
刑甲

蟲生人
治自刑

辛. 德在丙
刑乙

蟲生人
治丑

壬. 德自處
刑丙
癸. 德在戊
刑丁

北狄胡人
興備四塞
北狄胡人
興備四塞

乙巳占卷十

子. 侯刑
卯周

商. 侯刑
丑利

寅. 侯刑
戌利

徵. 侯刑
卯利

辰. 侯刑
卯利

角. 侯刑
辰利

巳. 侯刑
巳利

午. 侯刑
午利

宮. 侯刑
午利

未. 侯刑
未利

申. 侯刑
申利

商. 侯刑
申利

西. 侯刑
酉利

子. 侯刑
子利

戌. 申曹刑
未晉

徵. 水自
亥刑

子. 水自
子刑

羽. 水自
羽刑

寅. 水自
寅刑

宮. 水自
宮刑

亥. 水自
亥刑

未. 水自
未刑

申. 水自
申刑

辰. 水自
辰刑

角. 水自
角刑

午. 水自
午刑

未. 水自
未刑

角. 水自
角刑

申. 午辰寅
申午辰寅

羽. 商徵羽
羽商徵羽

西. 未巳卯
西未巳卯

戌. 申午辰
戌申午辰

宮. 徵羽宮
宮徵羽宮

亥. 酉未巳
亥酉未巳

寅. 子戌申
寅子戌申

徵. 角宮徵
徵角宮徵

丑. 亥西未
丑亥西未

寅. 子戌申
寅子戌申

角. 宮商角
角宮商角

卯. 丑亥西
卯丑亥西

辰. 寅子戌
辰寅子戌

巳. 卯丑亥
巳卯丑亥

宮。子帝王
午妃

震雷擊鼓。

徵。寅丑亥旱火災
申未土功及民

奔走燎火。

商。辰大將
戊小將
角。巳疾病
亥死

琴瑟鐘磬。
悲吟呼叫。

羽。卯雨水
丙霜雹

流水飛羽。

貪狼之日。時加姦邪。風從陰賊上來。有劫相殺之事。陰賊之日。風從姦邪上來。時加申子止子。必有賊殺人。逆亂相盜。

姦邪之日。風從寬大上來。時加卯止亥。有人持酒食禮來。相候謀盜。

寬大之日。風從廉貞上來。時加己酉。爲貴客至。有吉慶賀賞賜事。

公正之日。風從姦邪上來。時加寅午。爲誠信之士。若來報仇詐人。

廉貞之日。風從寬大上來。時加午酉。爲貴客以酒食來相宴樂。

寬大之日。時加廉貞。風從寬大上來。時加午止酉。貴客以酒食相宴樂。有遷官徵召酒食喜事。從姦邪上。

求有妖人爲怪。婦人欺夫。從貪狼上來。有人競求財者。從陰賊上來。有賊而無所尅。

從公正上來。貴人有求名問事。

廉貞之日。時加寬大。風從廉貞上來。有七千里來相慶事。若長者到。寬大上來。人以酒食求相和好。貪狼上來。吏客求錢物。公正上來。仇人報怨。陰賊上來。欲求劫人者。姦邪上來。有人上文書。徵發事。不則有姦人設詐。不信事。

公正之日時加公正。風從公正上來。吏人爭財。多奸相傷。若仇人欲報仇怨。姦邪上來。人欲告言部吏私財物者。陰賊上來。下凌上。謀爲不道者。貪狼上來。有亡失逐蹤。相牽引事。廉貞上來。君長欲遷。寬大上來。行出必值人酒食之事。或憤爭。

陰賊之日時加陰賊。風從陰賊上來。有賊格鬪。在部界內。必傷殺人。貪狼上來。以白刃相攻。警公正上來。爲外人謀內。寬大上來。告客行錢與人。廉貞上來。有隱士學人爲惡劫。姦邪上來。東向婦人來。勿前之。必伺人家爲匿盜之事。

貪狼之日時加貪狼。風從貪狼上來。有賊人至。攻劫人財。且欲害人。慎之。禍起北大。公正上來。必有行怨報人。揚兵相擊。年立丑者凶。姦邪上來。惡人持挈物來。廉貞上來。他人遺財相賄者。寬大上來。持禮相候。而欲求人財物。陰賊上來。家人內若有人相牽引。不則行出爲禽獸所傷。陰賊之日。風從奸上來。時加申子止子。必有賊煞人。遂亂相盜。姦邪之日時加姦邪。風從姦邪上來。主人見謀。若出遇疾病。陰賊上來。有宿怨。令相攻。必流血。從公正上來。欲報怨仇。廉貞上來。有文書所召。若以淫盜相牽。貪狼上來。賊人謀持物亡走。寬大上來。有人因酒食病。

六情風鳥所起加時占第八十

己酉爲寬大之日。假令己酉註。寬大之日。時加己酉。鳥來鳴其上。時加王相。當言爲長吏。休廢囚死。當有酒食。時加寅午。鳥來鳴其上。有酒食辭讓者。時加丑戌。鳥來鳴其上。酒食訟口舌。時加亥卯。鳥來鳴其上。

有酒食。一作盜賊相害者。時加辰未。鳥來鳴其上。有酒食。婦人女口舌者。時加申子。鳥來鳴其上。酒食爭財事。

寅午廉貞之日。時加寅午。鳥來鳴其上。時加王相。當言爲長吏。休廢囚死。當有諫諍辭讓事。時加己酉。鳥來鳴其上。有書至。時加申子。鳥鳴其上。酒食禪讓事。時加辰未。陰私婦女口舌。時加丑戌。鳥鳴其上。酒食事。時加亥卯。以酒食相殺事。

公正之日。時加丑戌。鳥鳴其上。時加王相。言口吏公正事。休廢囚死。當有吏來慰問事。時加己酉。鳥鳴其上。有公正酒食賜遺。時加寅午。鳥鳴其上。有公正辭讓慶賀。時加辰未。有吏來說公私賊事。時加申子。有吏來說公正欺詐事。時加亥卯。有吏來說賊相傷事。

姦邪之日。時加辰未。鳥鳴其上。加王相。當言長吏來捕姦詐。休廢囚死。當有口舌起。時加寅午。鳥鳴其上。謙讓人說姦淫事。時加寬大。有酒食陰私事。時加丑戌。有吏來捕姦私陰謀事。時加申子。有陰謀諍鬪劫盜事。時加亥卯。有陰私賊兵相害事。

貪狼之日。時加申子。鳥鳴其上。時加王相。當言羣賊攻劫。休廢囚死。當有盜賊事。時加寅午。鳥鳴其上。有善人說攻劫事。時加己酉。鳥鳴其上。有酒食攻劫財物事。時加丑戌。辰未。鳥鳴其上。有婦人諍訟羣賊事。時加亥卯。鳥鳴其上。時加王相。有羣賊相攻奪事。

陰賊之日。時加亥卯。鳥鳴其上。時加王相。羣賊大戰。休廢囚死。當有大鬪相傷。時加己酉。鳥鳴其上。有酒

食相殺傷事。時加丑戌。鳥鳴其上。有吏逐賊相害。時加寅午辰未。鳥鳴其上。有婦女姦私相傷事。時加申子。鳥鳴其上。有賊相攻劫事。諸陰賊日。有鳥若羣飛。及飄風颺從四季上來。時加四季。必有搜索。皆爲開閉。囚日在近道。假令今日風起市中。若飛鳥從四季上來。即時搜索。欲知何捕人。若加丑戌。捕怨仇。加辰未。則捕小盜人殺。則此占皆爲卽至。不與風角同。

八方暴風占第八十一

北方坎風。名曰廣莫風。主冬至四十五日。京房云。四時暴風起於北方。主盜賊起。天下兵皆動。令人病濕飲帶下。難以起居。北方坎主盜賊。故兵起。水濕帶下。下部濕。

東北艮。曰條風。

亦名焱風。

主立春四十五日。一云。鬼行人道。多旱疫。主天下水。令人疾洩。變易形容。冬春之交。萬物變改。

東方震。曰明庶風。亦名亢風。主春分四十五日。京房云。人流盜起相攻。風發天下。旱冥霜起。歲大饑。令人

病變節。四肢不可動搖。雷始起動。木始盛故也。

東南巽。曰清明風。

一名景風。

主立夏四十五日。京房云。民多洩痢。乳婦暴病死喪。

南方離。曰景風。

一名臣風。

主夏至四十五日。此風中發。有火災。來年旱。令人身暴熱。生瘡。目盲。離爲火。目爲熱盲也。

西南坤。曰涼風。

一作諫。

一名陣風。

主立秋四十五日。此風發。天下兵動。日月失色。令人食不入口。病腰脊肩背

股膝皆腫。

坤爲衆。故兵動。陽氣衰。故日月無光。水爲老。故患也。

西方兌。曰闔闔風。亦名飄風。主秋分四十五日。京房曰。秋旱霜。主天下兵動。日月蝕。令人患瘡癰瘡。兌爲毀折。

故日月食而生惡瘡

西北乾曰不周風。主立冬四十五日。天下大饑。京房云。有盜賊相攻。人多疽疾。人流亡疾疫。多死喪。有神不起。地動。日月失色。令人病疥癩。生惡瘡。乾當室壁。故主疾疫。

古八節。但暴風起其方即占。京房云。八方暴風之候。及八卦風別名。春白、夏黑、秋赤、冬黃。皆爲凶。下逆上。兵革四動。各隨其部日辰占之。乾、高折風。一名衝。坎爲大剛風。艮爲凶風。震爲嬰兒風。巽爲大弱。

一云小弱。離爲大弱風。坤爲諫風。一名陰謀風。兌爲小弱。

古八風。發屋折木。飛沙揚石。三日不雨。則逆四時。乃占。風爲陽。雨爲陰。陽之怒。得陰則諧。故風災得雨則解。正月朔後八風者。此法齊人要術。五穀所宜。及出漢書志。從乾來。有憂兵。從坎來。迴水湯湯。有大水。從艮來。人疾疫。歲有蝗蟲。從震來。陽氣干歲。大旱有喪。從巽來。歲多風。傷五穀。從離來。歲早大熱。多火災。從坤來。人疾病。道中多死。凶。從兌來。歲有兵革之事。

三辰八角風

辱殺反吉抵誣誕忿爭

申子辰之日。艮震巽離坤兌乾坎。

己酉丑之日。巽離坤兌乾坎艮震。

亥卯未之日。乾坎艮震巽離坤兌。

寅午戌之日。

坤兌乾坎艮震巽離。

風從辱上來。國及家有恥辱之事。

風從殺上來。有暴相殺不道理。若行道逢之。有相殺之人來過也。

風從反上來。臣子有反逆不順之事。

風從吉上來。有恩澤詔書。百姓除害。有喜事。若行道逢之。即見賢人君子酒食之遺。此直迴風。入人家同。

風從抵上來。有抵觸非理。王日。貴人相日。中人休日。庶人囚日。死日。徒人相連。

風從誕上來。有欺誕不誠之人。有欺紿。

風從忍上來。有非議忿爭土地財物之事。

風從爭上來者。主有姦人欲爭財物事。

八方風來。風從震巽離上來者。主勝。

風從乾坎艮兌坤上來。客勝。兩軍相當。

風從折衝上來。必獲敵人資糧。

風從坤上來。有事不成也。

漢志曰。凡候歲美惡。謹候歲始。或冬至日。產氣始萌。臘明日。人衆。卒歲一會飲食。發陽氣。故曰初歲正月旦。王者歲首。立春四時之始也。四者候之日。歲旦。立春風南來。大旱。西南來。小旱。西方來。主有兵。

革西北來。戎菽爲胡豆。小雨。兵起。北方來。中歲。東北來。上歲。東方來。大水。東南來。民有疾病。歲惡。八風各與其衝對課。多勝少。疾勝徐。旦至食爲麥。食至昃爲稷。昃至晡爲黍。晡至晡爲菽。晡至日沒爲麻。又有東谷風。南凱風。西泰。一作風。北涼。註風。風從北來宜客。南來爲主吉。西來宜客。東來宜主。西北來宜客。東南來宜主。西南來有謀不成。東北來主客俱不利。正朔八風占。漢志曰。凡候歲之善惡。謹候歲始。或謂冬臘。臨日。歲旦。立春。占之一歲一舍。陽氣始發。故云歲物。正月旦。王者以占四時之始。風從乾來。西北方也。有小雨。兵起。戎狄。胡兵也。風從正北坎方來。多水大雨。風從東北艮方來。豐稔。風從正東來。大水。風從東南來。民有疾病。風從南來爲大旱。風從西南來者。小旱。風從正西來者。有兵災。若風勢大急惡昏濁。亦以八卦暴風例占之爲妙也。立春正月節。清明少雲。善熟。霧則旱。蟲傷禾豆。乾上風來。暴霜殺物。五日。粟卒貴。坎上風來。冬大風寒。北狄侵。艮上風來。五穀熟。震上風來。氣洩。物不成。巽上風來。多風足蟲。離上風來。旱傷生物。坤上風來。春寒。六月水。人多愁土功。兌上風來。旱霜兵起。春風。二月中氣。東方有青雲。必熟。晴明。物不成。乾上風來。歲多寒。金鐵倍貴。坎上風來。菽豆不成。饑疫。艮上風來。夏不熟。米貴一倍。震上風來。五穀成。亦無賊。巽上風來。蟲生。四月多暴寒。離上風來。五月先水後旱。坤上風來。小水。人多瘡疫。兌上風來。有兵。春寒。八月國憂也。立夏。南方有赤雲。則豐。晴明則旱。乾上風來。其年凶。飢。夏霜。麥不刈。坎上風來。多雨。魚行人道。艮上風來。山崩地動。人疫。震上風來。雷動。非時擊物。

巽上風來其年豐熟。離上風來夏旱禾熟。坤上風來不共力萬物天傷。兌上風來蝗蟲大動。夏至南方赤氣則熱。清明則旱。乾上風來寒氣萬物。坎上風來寒暑不時。夏月多寒。艮上風來山水暴出。震上風來八月人多疾。巽上風來九月風落衆物。離上風來五穀熟。坤上風來六月多雨水橫流。兌上風來秋多雨霜也。立秋有白雲及小雨則吉。清明物不成。乾上風來甚寒多雨。坎上風來冬霧多雪寒。艮上風來秋氣不和。震上風來秋多雨雹。人不知草木再榮。巽上風來卒兵內起。離上風來兵戎不利。多旱。坤上風來五穀成熟。兌上風來兵起將行。秋分西方有白雲熟。清明物不成。乾上風來人多相掠。坎上風來多大寒。艮上風來十二月當必多霧。震上風來人疫。再花不實。巽上風來者十月多風。離上風來兵動國南七百里。坤上風來者土功作。兌上風來。年安樂也。立冬。清明小寒。人君吉。天下大喜。乾上風來人主政令行。坎上風來冬雪殺走獸。艮上風來地氣洩。人多疾疫。震上風來人不安居。寒雪。巽上風來冬溫。來年夏旱。離上風來。來年五月大疫。坤上風來水出食物魚鹽倍多。兌上風來妖言兵在山澤。冬至有雲雪寒則豐。清明物不成。乾上風來強國憂年多寒。坎上風來年豐人樂。艮上風來正月多霧。震上風來雷不發。大雨併。巽上風來蟲傷生物。離上風來冬溫。乳母死。水旱不時。人多疫。坤上風來蟲生傷苗。年多水。兌上風來年秋雨。大兵起也。八逆風。立夏巽卦。王風從乾上來。爲一逆。小凶。立秋坤卦。王風從艮上來。爲三逆。穀無子。立春艮卦。王風從坤上來。爲二逆。兵起。立冬乾卦。王風從巽上來。爲四逆。人去。

其鄉。秋分兌卦。王風從震上來。爲五逆。帶刀入市。冬至坎卦。王風從正南離上來。爲六逆。人民潰散。夏至離卦。王風從正北坎上來。爲七逆。臣子爲亂。春分震卦。王風從正西兌上來。爲八逆。殿上有刺客。刑殺昏寒者凶。

行道宮宅中占第八十二

行道見迴風。從南方來。必有酒食。若加酉覆人。皆利。迴就風起坐。君子席失官。小人亡財。餘倣此。商日風起宮宅中人。但持酒肉來。不過三日。角日迴風覆人。爲疾病。從角地來。爲死亡事。徵日迴風覆人。爲鬪訟。若徵地來。宮戒火。宮日迴風起宮宅中。爲鬪訟。爲囚。爲縣官。起道路。從內向外衝上吉。商日迴風覆人。爲失財亡遺。人所謀。羽日迴風覆人。爲失財物。若憂酒內事。聚衆干上。迴風起宮宅中。以六情王相。爲有氣。爲吉。又清和亦吉。無氣宜慎之。迴風兩處夾道。隨人而行者。重吉。久不滅。亦無他。從凶地來。卽凶。諸風從刑上來。得貪狼陰賊姦邪之日。若不加其德鄉來。衆凶並會。其災必成。風從休上來。若寬大之日。皆事解不成災。宮日迴風突人。戒田宅。憂移徙。若爭訟田宅。出道行客人凶。衝外吉。有威勢也。角日迴風突人。戒疾病。若哭泣。不則相擊傷。商日迴風突人。戒爭財。若入山林。墜下見傷殺也。徵日迴風突人。戒告訟文書。若凶失金鐵事。羽日迴風突人。戒入水沒溺。若失衣物財。聚衆事。干人已上也。候宮宅中有卒風起。及迴風若犬鳴鳥鳴向人。若宮宅中占之。先以五音。次以六情。王相休囚刑德。以占憂喜。從德鄉來爲喜事。刑鄉來爲憂事。日辰囚死勝時下。皆爲凶事。起止寬大。爲酒食賞賜。

無氣爲退。迴風入人屋中。飛揚人衣物。當憂財物驚火。商日加時寬大。風從角來止。曰廢。爲賓客作。姦風起門外。入門止商。亦然。加姦邪不覺。加六正爲覺。商日時加申。風從未來。迴風入門至堂邊。爲長子作盜。迴風入井。婦人作姦。欲共他人殺夫。陰賊日時加子。風從姦邪來。止陰賊。婦女作姦欲欺夫。辛丑日時加午。風從宅中。從午來。風後三日有酒食。姦邪日時加姦邪。囚死。爲盜人奴婢。去止酉。若卒爲取財物。寒尅有所傷害。宮宅中及衆人道路行伴。有暴風來。蕩衆人中者。此衆人中有與此風同音者。憂喜在其中也。商日日辰勝時下。風從未純商。爲怪物害人。商日風起純角。爲惡鬼入宅害人。日辰王。爲縣官。從王鄉來。爲家長。相鄉來。爲子孫。休廢來。爲賓客。囚死來。爲下賤。貪狼爲劫盜。他倣此。西堂爲父。東堂爲母。堂邊爲長子。房爲婦女。庭爲聚衆。牆壁爲少子。井竈爲僕及奴婢。門爲賓客。行坐有迴風飄暴。卒起人前而向人。此逆向人勿前。恐爲伏之也。從後來逐人者。爲隨人。誠也。亦止。若卒起宅內。若從外入。或揚人衣物。或發人屋舍。皆爲凶辛惡之事。若北堂爲父。西堂爲母。東堂爲子。南堂爲孫。皆聚衆事。在垣小口。在井竈爲婦女。在門爲長子。在客堂爲外人。在碓磨爲奴婢。在庭內有四鄰。以爲五音所屬。知其姓名。以發時及日辰。以別長幼。以日剛柔。知老少。以王相知爲吏人。諸飄迴起而止前者。皆以時音期之。若從後來逐人而過去。以日音期之。假令今日音得角。期九日。從人年墓來。爲疾病。日同。假令墓在木鄉。爲從高墜下。林木所傷。在火鄉。爲燒灸。若見血事。在土鄉。爲瘡腫患。在金鄉。爲格鬪相傷。在水鄉。爲沒溺。厥亡日墓上來。爲疾病。歲刑來。爲縣官。月刑來。尉部鄉亭所召。日刑來。戒鬪諍至官庭。時刑上來。卒急之。

事。日德上來。有酒食相慶賀。年德皆爲有吉喜。歲德月日時同。假令年在木鄉。有木器之物從北方來。在火鄉。銅瓦物從東方來。在土鄉。田宅物南方來。在金鄉。錢物四季來。在水鄉。酒肉六畜之物西方來。四孟之日。四孟上來。上官長吏憂免事。四仲之日。四仲上來。次官長吏憂免。四季之日。四季上來。下官長吏憂免。商得商時。又加金錢及鐵物。音得徵時。又加火文書衣物。音得羽時。又加水。爲酒食事。音得角日辰。又加木。木實衣物。音得宮日辰。又加土。醢肉酒食之屬。若皮革。王相。其物卽好。休廢。是敝惡之物。若十餘人同行共坐。而迴衡來。知復爲誰。風從商。是商姓。其同音日。年取年同。孟日取長老少同。商日取白色同。日辰王相。取尊貴賤同。陽日取男左者。陰日取女右者。左右同以五音取。於衣被。若取扶持之物以決之。卽知吉凶也。

十二辰風占第八十三

子日大風。日光沉沒。兵起水中。丑日大風。掃地揚沙。粟卒貴。寅日大風。赤氣四塞。爲火。卯日大風。

黃埃衝天。爲蟲蝗必生。辰日大風。將出。巳日大風。蓬勃無常。亦大旱也。午日大風。乍遲乍疾。人不

安移堡。未日大風。日無光影。爲土功之役。申日大風。聲若磬。若有暴賊相攻劫。酉日大風。肅肅濡潤。

必有大雨水潰流。戌日大風。塵霧橫天。揚埃千里。胡兵四起。亥日大風。揚沙折木。兵賊相攻。人啼哭。

京氏云。東方寅卯木之角。發風三日。發屋折木。揚沙石。自此已後。並云怒狂風。國有大寇疾病。

五岳之晉法。寅卯火之徵。亦云。發風三日。發屋折木。揚沙石。已後同。國有妖言鬼神之書作災。有火災。寅卯金之商。國有

大兵客主攻伐之事。賊出燕趙。寅卯水之羽。國有暴霜雹水災。有蝗蟲起。寅卯土之宮。帝不安其都。有巡狩之行。寶物出。有善令。恩加庶人。以財物賜之。右巳上東岳之音。

巳午之商。發風三日。發屋折木。國有大臣親事。人強亂害。巳午之徵。發風三日。發屋折木。國有夷狄賊爲害。若遠人謀。巳午之羽。發風三日。發屋折木。有江海賊。或水中船車有害人者。巳午之角。發風三日。發屋折木。羊牛疫死。魚死水中。人小移動。巳午之宮。發風三日。發屋折木。帝王欲警暴亂。賞有功。逐佞人。封有德。右巳上南岳之音。

申酉之商。發風三日。發屋折木。軍民移出。船溺凶。申酉之角。發風三日。發屋折木。有貴人災。使者至。有姦兵。申酉之羽。發風三日。發屋折木。臣有篡逆之心。申酉之宮。發風三日。發屋折木。諍財臣不知人心。右巳上西岳之音。

亥子之羽。發風三日。發屋折木。蝗蟲卒起。霧傷萬物。亥子之商。發風三日。發屋折木。外兵爲災。水中之賊傷物。亥子之角。發風三日。發屋折木。三公喪憂。人有疾病。亥子之宮。發風三日。發屋折木。兵起。乃行之憂。亥子之徵。發風三日。發屋折木。皇后憂。世子有異。右巳上北岳之音。

四季辰戌丑未之宮。發風三日。發屋折木。有土功災。羊牛疫。人流移。四季辰戌丑未之商。發風三日。發屋折木。有夷狄之兵。胡人作災。寶物出。四季辰戌丑未之羽。發風三日。發屋折木。人詠妖言。有流移之災。四季辰戌丑未之角。發風三日。發屋折木。有夷狄兵。胡人作災。寶物出。四季辰戌丑未之徵。發風

三日發屋折木。山賊出。若流言於人民。民怖欲奔亡。右巳上中岳之音。凡五行十二辰風。五音發災害吉凶見矣。不能發屋折木。揚沙起石者。凶無大應。凡日辰納音爲客。甲子乙丑商音是也。風從來五音爲主人。子午爲宮是也。假令今日甲午納音商。欲得風從寅丑未申上來。則主勝客。爲商動。徵爲客。欲得日納音尅風。假令甲子金則爲客。若風從己亥上來者。客勝。

諸解兵風占第八十四

徵風發徵。風尋解。若寬大廉貞之日。風從寬大上來。兵大散。又風四繳來。兵革散。諸兵風起。諸商日。風從貪狼陰賊上來。時加姦邪。日辰商。其日光白濁及昏霧。比連三日七日。人間盜賊屯聚。攻城郭。不出月中下同。又何以知兵大來。夜攻城。常以日中風從亥子上來。夜風晝止。日中寒不解。此必夜攻城。不避風雨。主將忌之。不出五日十日。諸商日。夜半風卒起。大霧至。日中不解。兵起。立春。正月戊申。二月己酉。三月庚戌。有暴風從西方來。七日不止。兵起西方。不出衝大起。立夏。四月辛亥。五月壬子。六月癸丑。有暴風從西方來。七日不止。兵起北方。不出衝大起。立秋。七月甲寅。八月乙卯。九月丙辰。有暴風從西方來。七日不止。兵起東方。不出衝大起。立冬。十月乙巳。十一月丙午。十二月丁未。有暴風從西方來。七日不止。兵起南方。不出衝大起。諸賊自殺風。季角陰賊之日。風從陰賊上來。大寒。主賊兵自相殺。不出九日。若商日。風從陰賊上來者。皆自相殺也。

諸夷狄反風

姦邪公正受商之日。大風從姦邪公正上來。夷狄犯塞。十日不止。千里來。二十日不止。三千里來。期七十日。若四季受宮日。風從寬大上來。若四季上來。夷狄降。

諸伏兵風

有旋風從三刑五墓上來。有伏兵。勿戰。戰則不勝。行者急走。坐者起避之。諸出軍行師之時。有大風從三刑上來。其兵不可當。若大風起五墓上來。避之吉。三四日諸行軍出征水戰時。又大風從三刑上來。其兵不可當。若大風起五墓上。避之吉。

諸逆賊風。諸風蓬勃四方起。或上來觸地。此皆逆風也。平旦發。人民逆之。食時發。賓客逆。午時發。諸戚逆。晡時發。臣下逆。黃昏發。賤隸爲逆。夜半發。同姓爲逆。雞鳴發。后妃逆。皆大故。不出三十日。風止三日有雨。災消。

諸陷城風第八十五

宮日大風從角上來。卒起。此兵圍城。至日中夜半折木者。城必陷。不出九日。若十八日。羽日大風冥冥。日無光。沉霧。兵圍城。郭客勝主人。角日時加子午。風從角來。折木。兵起。必圍城屯聚。主人宜出。期九日至。諸四季受商之日。大風折木。從四季上來。加子午。在外界民爲賊屯聚。往往相攻。關梁塞。道路斷絕。不出七十日。四季受傷之日。風從四季上來。時加子午。此客兵入界自相殺。不出三十日。商日大風

折木時加子午風從子午上來日光不明此不宜主人軍自內敗不可守城不出九十日若三十日姦邪受宮之日大風從宮上來及四季上來大寒者此城內夜開長吏兵四出不禁期七十日遠九十日諸知賊人數占賊所起以風初發處加爲人數又以風所從來爲月期又以所乘辰爲道理所止時支干以占人數又發時加子賊數九十人若九人數九期若不應期辰內月同數者倍之以王氣十倍相氣五倍伏廢如數鳥同

刑墓風 風從刑上來皆刑惡凶事及有兵行者急走坐者急起兵從五墓上來皆凶有救吉無救凶

占入兵營風第八十六

與彼相守有旋風入營斷絕干戈吹壞帳幕必有盜賊入營將軍死十干十二支數子午甲巳九日辰王相氣十倍之休廢如數囚死半之鳥鳴同占東三八南二七西四九北一六中五十右已上五行數爲道里亦爲賊人頭數

欲知定發何方法商角之日變風發所從來宮羽徵日變風在刑上刑下風所從起來爲期風從東甲

乙寅卯期他做乘王王主相臣廢吏囚凡太歲三月必有歲月日時刑皆爲凶事王墓三日囚大辰必

日五音爲客地五音爲主人以看勝亦從其道來四正之日四正上來者亦從其道來有氣日者責日音

無氣者責辰音東來期甲寅乙卯轉而西來甲申轉北來甲子轉南來甲午今日庚申西來須臾轉而東

來庚寅轉而北來庚辛轉而南來辛巳今日時加戌甲若寅卯即時加午即時加卯即九日與寅申若

庚辰日時加申西庚辛即至加四季皆即云未却三諸宮宅內日辰勝時下同者時假令今日辛酉時加午至酉四月期之此同情者故尅言同類者相爲發詔不發諸商日發皆在風下商角相尅相動相殺傷益明又先以辰金木火水土證之乃以六情知何等事第一先以日情乃合於時假令今日甲子商時加申子貪狼辰姦邪商音相傷鬪殺餘並諸卒起宮宅內日辰勝時下爲外人賊內商角情得貪狼陰賊乃相殺無吉爲日辰勝時下無所能也此惡情有氣乃能也

五音客主法第八十七

日辰爲客加時爲主人六甲爲客以其行本位不動爲主人十二辰皆主人也假令今日商時加亥角爲主人也客商金尅木是客時皆以相扶尅爲法今日甲子商客也時加寅徵爲主人徵火尅金是主人勝客餘倣此若從寅來便是二火也主人於是大勝準此推之時刑來主人大勝日刑來客大勝兩軍對先動爲客後動爲主兩人相擊先舉手爲客住者爲主人外來爲客在內爲主人有氣勝無氣敗

四方夷狄侵郡國風占第八十八

壬辰是主東方水裏從貪狼來從北方七日至九日此東方海賊動期五十日乙未主南方夷此日從未來七日南夷反叛內侵郡國期七十日壬戌主西羌此日從戌來大怒折木七日巳上西羌叛期五十日癸丑主北方夷此日從丑來七日九日北方大兵攻人近八日遠二十日常以壬申壬子壬辰之日有風從子上來三日巳上光明此水內大賊欲攻王國三日內有雨無事四日有從申子亥卯上來急

卒比連至七日。必外賊羣衆與夷狄并侵郡國也。國君公卿已下所屬日。春寅爲皇后。此日中有發屋折木。從午未上。五日巳上。皇后被誅。其氣溫。皇后有乖。近期九日。遠九十日。風止大雨。不占。春丑爲大將軍。此日有風大雨。發屋折木。從丑上來。四日巳上。丑有氣。將軍賀賜。無氣有罪。迅疾大寒急者。有憂。近期八日。遠期八十日。風止而雨解。吉。春丁巳爲三公。風從丑上來。止三公坐上。天清明。三公遷封受賀。風氣寒急。日光不明。三公退免受誅。君臣品位立成。

春三月

夏三月

秋三月

冬三月

寅爲皇后

巳爲皇后

申爲皇后

亥爲皇后

甲爲天子

丙爲天子

庚爲天子

壬爲天子

卯爲太子

午爲太子

酉爲太子

子爲太子

乙爲太子妻

丁爲太子妻

辛爲太子妻

癸爲太子妻

辰爲太子吏

未爲太子吏

戌爲太子吏

丑爲太子吏

巳爲司空

申爲司空

亥爲司空

寅爲司空

丙爲司徒

庚爲司徒

壬爲司徒

甲爲司徒

午爲太尉

酉爲太尉

子爲太尉

卯爲太尉

丁爲太傅。又云國師

辛爲太傅。又云上

癸爲太傅。又云上

乙爲太傅。又云上

未爲九卿。

戌爲九卿。

丑爲九卿。

辰爲九卿。

申爲司隸。

亥爲司隸。

寅爲司隸。

巳爲司隸。

庚爲詔獄。

壬爲詔獄。

甲爲詔獄。

丙爲詔獄。

酉爲庶民。

子爲庶民。

卯爲庶民。

午爲庶民。

辛爲卒徒。

癸爲卒徒。

乙爲卒徒。

丁爲卒徒。

戌爲夷狄。

丑爲夷狄。

辰爲夷狄。

未爲夷狄。

亥爲宗廟。

寅爲宗廟。

巳爲宗廟。

申爲宗廟。

壬爲內相。

甲爲內相。

丙爲內相。

庚爲內相。

子爲宮府。

卯爲宮府。

午爲宮府。

酉爲宮府。

癸爲內藏。

乙爲內藏。

丁爲內藏。

辛爲內藏。

丑爲大將軍。

辰爲大將軍。

未爲大將軍。

戌爲大將軍。

春、甲爲天子。夏、丙爲天子。秋、庚爲天子。冬、壬爲天子。諸風從天子上來，所止爲詔書。所加有氣清和，爲遷官。若寒急白溺，爲罪有憂。雨爲事解。雨止後寒風，爲事不解。但過亦爲不解。風半日一日，從近期。三日已上，從遠期。卒暴，從近期。遲稍怒，從遠期。戊子、戊午、甲辰、甲戌，此日以四時候使者。州牧、刺史，從事檄書。此

日風從上來。有氣爲遷。無氣爲免退。

占官遷免罪法第八十九

假令春甲辰之日。風從辰上來。三日止甲。使者徵拜尙書。假令甲上來。三日止辰。使者遷二千石。近期三日。遠期二十日。到諸使者用事之日。風從徵上來止辰。使者遷二千石。止丑。使者喜令長相止公卿坐。使者喜止公卿。其風清溫爲吉遷賀。假令大寒迅急。使者奏三公二千石令長當退受罪。近期三日。遠期三十日。變事有兩解。賀事以雨重有賜也。丙辰爲府君。此日有風從辰上來。二日止君上者。二千石徵納補。丙辰之日。有風從辰上來止午。清和者。二千石表使者。其風寒急。二千石表刺使。更相奏上有氣者勝。無氣者凶。止辰上爲奏事。不者還受罪。近期九日。遠期四十五日也。五丑爲令長相奏日。五丑之日。有氣風從丑上來大寒者。止辰。此令長相奏府君。止午。奏使者。止公座。則奏公卿。此下官與上官更相奏。以寒溫決勝負。五亥主諸丞。亥日風從亥上來。亥有氣丞遷賀。亥無氣丞免官。欲知何官丞。風半日止者。郡丞也。二日乃止者。府丞也。三日止者。州治中也。四日止者。公侯長吏也。五日止者。尙書丞也。丁亥。二千石日以上。以風知何官丞當之。五戌爲都尉。丙戌之日。風從戌上來。戌有氣都尉遷。無氣都尉免官。縣官占。小尉。半日須臾爲小尉。若寒急免官。溫和遷賀。他倣此。

候詔書第九十

諸候宮之日。風從陽徵上來。爲詔書到也。欲知何詔書。風至時加。以知詔書也。時加寅午。遷除詔。時加

己酉寬大緩詔。時加丑戌徵占詣臺詔。時加申子賦斂詔。時加亥卯接章事老詔。時加辰未嫁女傳路覆。皆期九日四十五日。諸陽宮之日風從刑上來止德上大迅急。此上官收下官者。此上官問下官證對無罪。假令風從帝王上來。若子丑上來爲詔書。又加子丑帝主地益明。視支干金木水火土所加喜怒曰上情。知書所謂從相來爲公卿書。春甲爲天子。夏丙爲天子。秋庚爲天子。冬壬爲天子。所在候之風從上來。則天子來也。若時加公正。此天子令也。時加奸邪。詐稱詔書不可信。

候赦贖書第九十一

春甲寅帝。乙卯王。庚申爲詔獄。辛酉爲司空。夏丙午帝。丁巳王。壬癸亥爲詔獄。壬子爲司空。四季戊午帝。己未王。甲寅爲詔獄。乙卯爲司空。秋庚申帝。辛酉王。丁巳爲詔獄。丙午爲司空。冬壬子帝。癸亥王。戊戌爲詔獄。戊辰爲司空。

候大赦風第九十二

凡風從詔獄上來爲大赦。從司空上來爲小赦。春甲寅之日。時加申。風從甲上來。三日止申。其風溫和。法爲有大赦。期六十日。又云風從庚上來爲大赦。乙卯之日。時加商。風從甲上來。止申。爲贖書。期四十五日。夏丙午之日。時加亥。風從丙上來。止亥。爲有大赦。期六十日。又云風從壬上來爲大赦。丁巳之日。時加午。風從丙上來。止亥。爲贖書。期四十五日。秋庚申之日。時加寅。風從庚上來。止。爲有大赦。時加申子。爲贖書。期六十日。冬壬子之日。時加巳。風從丙上來。爲有大赦。

候大兵將起第九十三

凡商角之日風從奸邪陰賊貪狼上來白濁冥晦比連三日已上此大兵起近三十五日遠七十日諸宮日大風從角上來大寒迅速此大兵圍城至日中發屋折木者城必陷敗不出九日若十八日諸羽日大風冥冥日無光沉霧沒此兵圍諸角日時加午日中夜半風從角上來折木兵起必圍城屯聚主人宜出避之期九日必至諸商日大風折木夜半日中風從子午上來日光不明此不宜主人軍自內敗不可守城邑不出七日遠七十日一云九十日若三諸四季受商之日大風折木從四季上來時加子午此外界民賊欲聚與夷兵并來攻關梁道路斷絕不出七十日

候大兵且解散第九十四

寬大之日風從寬大上來時加寬大法主大兵解散諸商之日大軍圍城有風從丑上來丑爲商墓風從墓上來比連三日已上至七日客軍且退必敗期在七日十七日占興兵欲戰當知和解否其日寬大時加商風從寬大上來止寬大爲大賊解散諸商日大風折木夜半日中從子午上來日光不明此不宜主人軍自內敗不可守城近不出七日遠七十日重候兵解散今日己酉受商之日有風從酉上來比連三日已上至五日天清明此民間兵散不出四十日遠七十日候兵解散諸陰商之日風從徵上來此界外兵還客軍自退不出七十日一云七凡占解兵風其氣溫和天清明是軍且解散其風且寒尅日光沉沒不明此兵不解必戰期七日一云七若寬大之日風從寬大公正上來夜來晝止則士衆散

解主將不欲解也。晝來夜止。上下同心。陰且寒。風氣又寒。時日雖善。不爲解也。溫和清順。乃爲解耳。諸商日。大風折木。從丑寅上來。比連三日。已上至七日。此千里萬人衆。兩軍相當。自退解散。所以然者。商金風從徵來。此金出遇火。兵自解散。主人勝。客軍大敗。其將必死。近期七日。中期二十一日。遠期七十日。

候火災第九十五

諸角日。有大風折木。從寅申丑未上來。乍遲乍疾。時加子。夜半此火且起。宮寺中。辰午酉亥。此四日刑自處也。辰日加辰。左部燒二千石傳舍。午日加午。燒都遷尉舍。酉日。燒貴府大傳舍。亥日加亥。燒喪家牢獄。大寒迅速。燒殺人。溫和但失火。期三日。風止而雨。火不發。若期內不雨。火必起。假令四季受角之日。風從四季上來。止于午者。此下亭上鄉市有火。文書至俱到。期三日。若雨。災不發。假令丙寅丁卯之日。有風從寅卯上來。火燒都市中。所以然者。丙丁火。寅卯木也。火得木而熾。此是兩火共燒一木。爲都市。其風寒急。燒殺人。期三日。若期內有雨。不發。諸亥卯受角之日。風從申亥未上來。時加申子。此賊火攻主人。寒急者殺人。財出。若時加廉貞公正。此怨仇相殺。不出三日。諸徵日。時加徵風。從徵上來。天清明者。書檄至也。民人誤失火起。非人事之災也。近期三日。遠期三十日。

占火發法。陽徵日。風從陽徵上來。時加夜半。皆爲都市中府寺火起。風從陰徵上來。皆爲下亭鄉市邑。及人間火災起。占火得己酉之時。此誤相燒也。得公正之時。此怨仇相燒。得廉貞之時。此坐文書口舌相燒。得貪狼之時。此攻賊燒主人。得陰賊之時。此攻賊相燒。得奸邪之時。此小盜陰私相

燒。日辰王相有氣者。人事相燒也。囚死無氣。時加酉角者。此鬼神所燒。此日有風。三日已上天氣黃赤。徵風爲之。宿夜不解。至七日。此天火災起。山陵鬼神。明火上王屋宗廟。自生火。千里相望。近期三日。遠三十日。風止大雨不占。占火與使者檄書同占。

候諸公貴客第九十六

陽宮寬大之日。有大風從天子上來。止於三公座上。此三公入賀。期一日九日。諸寬大公正廉貞之日。風從丑上來。所止者。君得所。加遷賞賜。以四時位別其官。假令止三公座上。則三公受賀。以座處推之。假令大風從丑上來。大寒迅急。君有暴令。知止何座。其座自當之。假令大風折木。從臣座上來。止於君者。此臣上書奏事於君也。寬大溫和爲賀。假令廉貞寬大公正之日。其日清明溫和。風從臣座上來。止於君者。此臣忠正。必受賀賜。假令宮日寬大。時加宮。此近貴相客也。四十里內風半日止者。五十里貴客也。一日止君者。百里內也。二日止者。千里大客也。風三日止君者。外臺使者也。四日止君者。外州使者。五日止君。邊將使也。七日止君者。此四萬里夷狄使也。風冥冥寒急。此遠方使至。非順氣也。必懷叛逆。其風氣來時。日加巳酉丑戌午。此爲正臣欲貢獻於中國也。風以遠近遲疾清溫爲吉。寒迅爲憂。假令風從宮上來。寒急。君欲行誅也。溫和雨者。欲知位賜也。占貴客。自天子已下至於庶人。其占皆同。大臣貴客。同大國小國家人差次。四季受宮日。風從四季上來。止君若子。皆爲客候主人。期一日九日。假令宮情合君臣相會。

候大兵攻城并勝負候賊占第九十七

假令角日大風折木從申子亥卯上來大寒過度以日中夜半其風益怒比連三日至七日此兵且乘攻城邑必下主人宜出城邑避之古所以然者夜半日中子午也純宮土也角木尅土春夏尅土之時攻城必陷也此日宜爲客不宜爲主人土畏於木主人必弱敗近期九日中期二十七日遠期七十日假令諸商羽之日大風折木從商上來此兵且來圍城邑日中夜半其風益怒此攻城不能下客必敗所以然者商金羽水母子爲強水畏於土勢不能行土必制水日中夜半城中強可以外固守客軍自喪公正之日風從公正上來止寬大上爲長吏勝賊陰賊之日時加公正風從陰賊上來止姦邪爲賊勝吏敗也候水中賊常以壬子壬戌壬申壬辰之日有風從子上來三日已上日光不明此水中大賊欲攻王侯國其風大寒兵夜而至亦不出七日中二十一日遠三十五日王侯之國備之風止有溫雨和解不雨謀不解當設計以待之諸羽日大風冥霧夜半從申子上來當雨不雨陰冥寒迅急水中大賊攻絕關梁不通不出五日遠五十日若壬戌癸亥乙卯壬辰甲申丁未凡此日之有風從辰申子亥上來有兵水中相殺不出五日遠五十日風止大雨不發又常以壬申壬子壬辰壬戌之日有風寒入人肌膚慘慘不解王風至賊發疾囚死風至賊發爲遲夫大水將至殺人連風冥晦四日五日萬人皆悲傷此且有暴水殺人

候喪疾第九十八

乙巳占 卷十

占壬子壬辰之日。風起夜半。止夜半。占皇后國夫人。起日中。止日中。皆爲變及人君夫人。他倣此。庚子陽宮之日。日中夜半。大風折木。從子上來。五日止辰。此爲宮動。宮止辰。爲人入墓中。此天子有憂喪。百官改服。期九日。遠九十日。庚午陰宮之日。日中夜半。大風折木。從子上來。五日止午。若辰。此皇后卒暴。子來爲誅。午來爲黜退。止辰爲入墓中。近期九日。遠九十日。庚子陽宮之日。夜半大風從巳酉上來。止午。五日巳上。天清明。風溫和。是拜皇后。羣臣諸侯大賀。天子有喜。近期九日。遠期二十七日。諸角日。大風起從亥來。二日止未。爲入墓中。二千石有憂喪。期九日。中二十七日。壬午角日。風從未來。止午。比連三日。使者州刺史有憂喪。癸丑之日。有風從未來。止丑。一日如止。此令長有憂喪。巳亥之日。有風從亥上來。半日止未。丞有憂喪。丙戌之日。有風從未來。止戌上。此小尉有憂喪。諸四季受角之日。風從未上來。比連三日至九日。民大疾病。若風從巳亥上來。大寒止未。人有死喪。期二十七日。己亥受角之日。有風從巳亥上來。止己。若止亥。此長吏客喪。連客止亭傳。近期三日。遠九日。先有起居。五墓之日。有風從五墓上來。若止墓中。皆爲死喪憂事。假令宮墓在辰。以宮日風從辰來。止辰是也。宮王長吏商墓在丑。商日風從丑未。若止丑是也。皆爲疾病死。角木在未。亦主病也。

人君欲救百姓疾疫之法。春以己角之日。戶曹出行。疾病未到。治壇。救白羊大白雞禳之。則天氣消除。雖病不傷。夏遣法曹。秋遣金曹。冬遣水曹。四季月遣功曹。則復邑也。不者不安。期在月衝。

丙辰、辛未、丙戌、辛丑、此日四季受宮之日。風從四季上來折木。五日巳上至九日。風止子午者。此夷狄君王萬里貢獻。近期一十日。中五十日。遠九十日。百五十日。如至壬辰、乙未、壬戌、癸丑。此四季日。有風從申子亥卯上來迅急。比連三日。至七日。此界外羣賊屯聚兵。與夷狄并勢。侵犯郡國。晝伏夜行。攻於中國。不出七十日。一云不出七日。十四日。壬辰主東方夷。賊在水中。風從辰及貪狼上來。比連七日至九日。已上。此東方海賊動。期五十日。乙未主南方夷。皆大風從未上來。比連七日。已上。此南方夷狄反叛。風從甲子上來。期七十日。壬戌之日。主西方夷。羌胡風從戌上來。日中大怒折木。七日巳上。此西方夷大叛。期五十日。乙丑之日。主北方夷。此日大風折木。從子上來。比連七日至九日。此北方大兵攻王侯國。不出七十日。遠百四十日。諸四季受商之日。大風折木。從四季上來。此界外賊欲屯聚。往往相攻。關梁不通。道路斷絕。不出七十日。諸四季受商之日。風從四季上來。加子午。此客兵入界。自相攻殺。不出四十五日。庚辰、乙未、庚戌、乙丑。此四季受商之日。時加商。風從亥卯辰戌上來。止於巳午。五日巳上至九日。風則怒不解。如此夷狄兵起。晝伏夜行。若風中止。不滿五日。更轉己酉上來者。此賊必還解。近期七十日。中九十日。遠百日。占夷狄兵欲侵中國。又在道解散。相殺不至。風來不滿日中止。轉從子午上來。雨若濕熱者。皆爲道中離散。風從四季上來。不滿日。後從四仲來。轉從陰賊上來更寒。日光不明者。此夷狄兵道自相殺。必不至也。近九十日。遠百二十日。假令四季之日。卒風暴起。及遊風半日須臾止者。此爲近界外。雜居羌胡夷人爲變。來必爲千里外人也。小風小事。大風大事。風滿九日。萬里內也。千里百里。

一里家占法亦如此占之。問曰：中國都市之內，如有夷狄之風，豈可千里外占之？對曰：風起都市之中，亦有羌胡夷狄應占，不必千里外也。近事中國人，遠以羌胡爲變，亦是也。占知中國欲攻四夷，四季受角之日，時加夜半，大風折木，從四季上來，五日止四季上，此時中國欲攻四夷也。所以然者，四季土土畏於木，今以角日木尅土，故知伐四夷。假令止辰，伐東方夷，止未，伐南方夷，止戌，伐西方夷，止丑，伐北方夷，皆期九十日，風止有雨，不占。

占風大要：四季主關梁，主津渡，主道路，主關籥，主遠方道客，四季爲外，小事近門，占外郭，外界，外州，外夷狄，各以風日數知遠近，寒溫勝負，遲疾知進止，他倣此。凡大風從四季上來，止子午，此四方界分欲來和，隨日期之。

雜占王侯公卿二千石出入第一百

諸陽主長吏，諸陰主人間。假令天子、侯王、公卿、二千石、令長、出入郡臣，不知以風知之。假令天子在甲，二千石、使者、令長同占之。假令天子在甲，有風從甲上來，時加甲，風止寅，天子入皇后府中，甲來止丑，天子入將軍府中，甲來止卯，天子入太子府中，甲來止酉，天子侯白衣士，甲來止戌，天子入都市，甲來止□，天子入人家，甲來止四季，天子出遊千里，甲來止四仲，天子出百里，甲來止四孟，天子出行城郭中，天子諸侯如此以占，二千石、令長、人君出入同占。止甲之法，或半日止，或一日止，或五日止，此皆臣上事也。候長吏徵，占諸府庭，隨風所來，名官高下在何位也。春，天子在甲，風從未來止甲，此九卿貴相。

上事入省。春、天子在甲。風從己來止甲。此司空公上事入省。春、天子在甲。風從丙來止甲。此司徒公

上事入省。春、天子在甲。風從午來止甲。此太尉公上事入省。春、天子在甲。風從丑來止甲。此大將軍

上事入省。右從天子。至令長、丞尉、百石、白衣長以貴人君上下同占。

立春。司空在己。司徒在丙。太尉在午。太傅在丁。

九卿在未。申爲司空。庚爲詔獄。酉爲民人。

辛爲卒徒。戌爲夷狄。亥爲宗廟。壬爲內相。

子爲官府。癸爲內藏。丑爲大將軍。寅爲皇后。

甲爲天子。卯爲太子。乙爲妃后。辰爲大官廚。

宮羽墓在辰。角在未。商在丑。徵在戌。

五音墓所在。風從墓上來。入止墓中。此而死喪憂凶暴害。至期如五音數也。假令風從墓來。時加

己酉。止王相。此死得生。入墓後出罪。天赦必生。他倣此。何以知風爲大兵先起。按其商角之風。兵起風

上。宮羽徵之風。兵起風下。假令陽角之日。風從起角上來。故知風爲大將軍先起兵是也。知誰勝負


者。按法言之。凡風起動。相生則和。相尅必凶。今角日風從羽來。角羽相生。大將軍出兵。必有勝利。甲子戌

亥。甲戌申酉。甲申午未。甲午辰巳。甲辰寅卯。甲寅子丑。此六甲寬大日。辰戌丑未四季。子午卯酉四仲。寅

申巳亥四孟。春、王東相南。休西。廢北。諸王相休廢。其次如此。休廢卽爲囚死。貪狼主強暴。長吏

發財物。陰賊主誅殺。長吏考姦情。姦邪主淫泆蔽匿。長吏捕治罪。公正主報仇。長吏義謙。虐蔽匿。長吏捕治罪。廉貞主清公。長吏主賢良。寬大主貴客。長吏賜賀遷也。京房善用德。張平子善用日辰。伏氏善用刑。翼氏善用溫寒。謝臨泰抄四家風角所長。有効驗。略文取要。刑德王相。災應吉凶。凡十五事。辭慮意深。以近知遠。觀省事情。君可以知臣。臣可以知君。神貫聖理。號令未發。萬里以應。王者之心。乾坤相示。分授後賢傳者。保祿令祚已矣。

占風圖



凡占風之術。方法甚多。有難辨而難精者。今並不錄。嘗見八卦風來。多有徵驗。今錄圖於後。

占八風知主客勝負法

乾、折風。從西北來。主將死。客勝。
坎、大罡風。從北來。客勝。主人敗。
艮、小罡風。從東北來。客勝。主人不利。
震、亢風。從東來。主人勝。客不利。
巽、小弱風。從東南來。主人勝。客不利。
離、大弱風。從南來。主人勝。客不利。
坤、諫風。從西南來。主人勝。客不利。
兌、衝風。從西來。客勝。主人不利。

占風出軍法

凡出軍。有風逆軍。不可行。風帶刑煞。大凶。風隨軍行。逢戰大勝。軍行左右有風起。賊有伏兵。忽有風起西北。卻復東南。四轉五覆。主將貪虐。士卒謀逆。風從離坎起。或挾月刑煞。慎勿出戰。必敗凶。風從敵來。而合三刑。賊欲來攻我。歲刑日刑凶。月刑遲緩。

占旋風法

若旋風卒起敵軍上急擊必勝。旋風自敵來入我營中賊心欲降如挾三刑上來必卻謀我。若旋風卒起而合三刑兼挾五墓賊有伏兵。若旋風頻起而出逢敵我敗移營吉挾時刑主利疾戰日刑客勝。若旋風直衝於天急戰破賊大勝。若風揚旗幟東西南北迴轉周旋將死軍覆若風遶旗竿直而垂下。鼙鼓無響將死於野大敗之徵。

三刑法

歲刑。月刑。日刑。亦云。刑上。刑下。自刑。

相刑法

子刑卯。卯刑子。寅刑巳。巳刑申。申刑寅。未刑丑。丑刑戌。辰午酉亥自刑。假如子年及十一月并子日從卯上來是。卯年及二月并卯日從子上來是。寅年及正月并寅日從巳上來是。巳年及四月并巳日從申上來是。申年及七月并申日從寅上來是。未年及六月并未日從丑上來是。丑年及十二月并丑日從戌上來是。

其辰午酉亥年并三月、五月、八月、十月、及辰午酉亥日、皆從本位上來是也。

五墓法

金墓於丑。木墓於未。水土墓於辰。火墓於戌。假如是金日、從丑上來是。木日、從未上來是。水土日、辰上來是。火日、戌上來是。

德神法

甲日德在甲。乙日德在庚。丙日德在丙。丁日德在壬。戊日德在戊。己日德在甲。庚日德在庚。辛日德在丙。壬日德在壬。癸日德在戊。

占風之法。初起之時候之。若天氣溫和。不動塵埃。條風來者。皆為祥風。如更從日德上來者。必有大喜。若飛沙揚石。折木揭屋。東西不定。旗旛遠搶。皆為災風。若風來颯颯。人盡森悚。皆為賊風。若更自三刑五墓上來。即須倍加隄備。勿與戰吉。賊風若從當軍德上來。戰之必勝。凡風定後有雨者。不為災。不占。若雨晴後風起者占之。

